

# საქართველოს

# მეცხე

№ 9

25 დეკემბერი.

კვირეული საზოგადოებრივი, სამეც. ღ სალიტ. ჟურნალი

1909 წ.

## საშინელი მდგომარეობა.

ასეთ საშინელ მდგომარეობაში, ეხლა რომ არის საქართველო, არასოდეს არა ყოფილა. ვერც ერთი ძველი შავი დრო ვერ შეედრება ეხლანდელსა. წინად ბრძოლით მანც ვინუგეშებდით თავსა, წინად მებრძოლთა სასოწარკვეთილების მოწამენი ვიყავით, — მოწამენი კეთილ-შობილ და გმირულ სასოწარკვეთილებისა, რომელსაც შემდეგ გამარჯვებულთ სიხარული მოჰყვებოდა ხოლომე, ღღეს კი ლ-ჩრად, უსიტყვოდ, ხმა ამოუღებლად, რაღაც ბრმა აუცილებლობითა ვკედებით, თითქოს მთელი ჩვენი ეროვნული ენერჯია გამოლეთულიყოს და ვერც კი ვამჩნევთ, როგორ ვკედებით, არც კი გვენაღვლებთ, რომ საუკუნოდ ვბარუებით ისტორიასა.

აბა შეჰხედეთ როგორ ექცევა ტერიტორიის საკითხს ჩვენი ერი და დარწმუნდებით, მართალია თუ არა ჩვენი ასეთი სულიერი დამაბუნება. ჩვენ თვალ-წინ გვეკარგება ის ერთი მკტაველი ტერიტორია, რომელიც ორი ათას წელს ხმლით დავიცვამს, და ყურსაც არავინ იბერტყავს, — თითქოს აქ არაფერიაო, ისე ზანტად ეკიდება ამ საშინელებას ჩვენი აზრი და გრძნობა. ხალხისათვის ტერიტორიის დაკარგვა იგივეა, რაც მოსახლესათვის სახლის დაწვა, და სად ნახავთ ისეთ ადამიანს, რომ სახლი ეწოდეს და ცეცხლს წყალს არ ასხამდეს დასაქრობად! აკი არც არის არსად ჩვენს გარდა ისეთი ერი, რომ არა სცდილობდეს ტერიტორიის შერჩენასა. განა პოლონელებმა თვით გერმანია არ დაამარცხეს ასეთ ბრძოლაში, განა რუსინები ეხლა პოლონელებს არ ეომებიან ამავე ნიადაგზედ, და სხვა? — ნურავინ იტყვის, — ღარიბები ვართ და ეს გვიშლის ხელსაო; მართალია, სიღარიბე დიდი და უმთავრესი მიზეზია ჩვენი უბედურებისა, მაგრამ, რაც არის, იმ ძალების შეგროვებასა და გამოყენებასაც რომ არავინ ფიქრობს, — ეს რაღა ღეთის წყრომაა. სად არიან ჩვენი კაპიტალისტები, — ვინც არიან, — სად არიან ჩვენი მემამულეები, რომელთაც შეუძლიან განგაში მანც ასტეხონ

მთელი საზოგადოების წინაშე ამ საშინელების შესახებ და ნათლად დაგვიხატონ მდგომარეობა საკუთარ ადგილ-მამულთა და აუცილებლობა მათი სხვის ხელში გადასვლისა, თუ საზოგადოებამ არა იღონა რა? — სად არიან ჩვენი ინტელიგენტები, პარტიები, რატომ ხალხში არ არიან მოღებულნი და არ ჩაგონებენ ხალხს, თუ რა საშინელება მოვლის ქართველ ერს, თუ ტერიტორია დაჰკარგა? რას ჰფიქრობენ თვით გლეხები, როდესაც ჰხედავენ, რომ მათ ცხვირის წინ მემამულე მტერს უსახლებს? სად არის გავლენიანი პრესა, ან სოციალისტური, ან სხვა მიმართულებისა, რომ ყოველ ღვედ ჩაქუჩივით არ ურახუნებდეს ყველას თავში იმ საანბანო ქეშმარიტებას, რომ ხალხმა თუ ტერიტორია დაჰკარგა, იგი ვერ განახორციელებს ვერც სოციალიზმსა და ვერც სხვა რომელიმე იდეალს? ებრაელები — პირველი მაგალითია ტერიტორია დაკარგული ერისა, ამიტომაც, თუ გინდ ყველა ებრაელი გასოციალისტდეს, შეუძლებელი და აბსურდი იქნება ებრაელთა სოციალიზმი, რადგანაც ტერიტორია არა აქვსთ, არა აქვსთ განსაზღვრული საზოგადოებრივობა სივრცის განსაზღვრულ ნაკვეთზედ. თუ გინდ ათასი მარქსი და ლასალი წარმოშვან, მათი სოციალიზმი მანც გერმანული, ან ფრანგული, ან რუსული იქნება, ებრაული კი არასოდეს!

სად არიან ყველა ესენი? — აქა ბრძანდებიან, მაგრამ სულაც არ ფიქრობენ ამაზედ, ან არა და ტვინი აღარ მუშაობს მათ გოგრაში, გრძნობა არა ღელავს მათ გულში, დაღლილები ერთ ადგილას დაყინულან ნიადაგზედა და სდუნან. კაპიტალისტებმა შექმნეს თავიანთი პირადი ფილოსოფია და „ცხოვრების რკინის კანონის“ ძალით, ბურჟუაზიული კონკურენციის კანონის ძალით, საქართველო კაი ხანია სხვას მიაკუთვნეს. მემამულე ქვიფობს, არშიყობს, ან ვალებს ემალება, ან უსაქმოდ დაყილობს და თუ საუკუნოებით დაიცვა სამშობლო, საქართველოც მიტომ ჩააბარა საიმედო ძიძას, რომ იგი თბილ აკვანში ევულება და ღღეს „მოსვენება“ უნდა. ესეც რომ არ იყოს, ვის რა



უნდა, — იგი თავის საკუთრებას, მთელს კახეთსა, ან ქართლსა, ჰყიდის ვიზედაც უნდა ხომ არავის ჰპარავს რასმეს, — საკუთრების უფლებით სარგებლობს, და დღეს ხომ სოციალიზმი არ არის, რომ დაუშალოს ვინკემ ეს ყოვლად სამართლიანი აქტი. პარტიები ზოგი ფადიშაჰსხავით ფირმანს აძლევს ხალხს, — ნებას გაძლევთ იყიდოთ თავად-აზნარობის მამულგებო, ზოგიც ძალა გამოლუვული „ნწუ-ნწუ-ნწუ-ს გა-ძახის! გლეხი ისევ ოცნებაშია, მამულგები დაგვირიგდებაო, ან წარმოდგენაც არა აქვს, თუ რა მოელის ახლად ჩამოსახლებულ „ძმისაგან“. პრესა?.. განა საფრანგეთი ან ინგლისია საქართველო, რომ პრესასრადიმე გავლენა ჰქონდეს! ზოგი „ჩათვლით“ კითხულობს გაზეთს, ზოგს ნახევარი არ ესმის. ქართული ტექსტისა, ზოგი გაზეთს წასაკითხვათ კი არა, არამედ სხვა უფრო მისთვის საჭირო საქმისათვის იწერს, ზოგს კი ქართული გაზეთის მაგიერ შუა გულსაქართველოში „ЗАКАВКАЗЬЕ“ ან „ТИФЛИСКІЙ ЛІСТОКЪ“-ი მისდის, რადგანაც მისი ღრმა თვალსაზრისით რუსულ ასოში ათასჯერ მეტი სიბრძნე მოიპოვება, ვიდრე ქართულში. ირგვლივ კი მტერი გვარტყია, შ ნაური „ოთარბეგები“ გარს ახვევიან და ჰყიდიან სამშობლოს, — ქართლს, კახეთს, ბორჩ-ლოს! ჰყდიან და გვტოვებენ 2 მილიონ-ქართველს უბინაოდ და უმომავლოდ. კიდევცა სწყინთ, თუ რამე უთხარიო! — ჩვენია და ვყიდითო! აკი დავაარსეთ საადგილ მამულო კომისსიაო! მაინც ვალში წაიღებენ და სხვას დარჩებო! — თქვენნი რომ არის და ჰყიდით, ბატონებო, განა ცხენია, ან უნაგირი, ათასობით დესეტინა მიწა, რომელზედაც ქართველს თავისი ისტორია შეუქმნია და რომელზედაც დღეს მისი მოსისხლე მტერი უნდა დაესახლოს?! განა მაგნიარ გასყიდვაში, უცხო ტომზედ სამშობლოს მისყიდვაში, სხვა ელემენტი არ არის, გარდა დესეტინათა რაოდენობისა და მისი ღირებულების ექვივალენტი ფულისა? საადგილ-მამულო კომისსია რომ დაარსეთ, განა ერთი ნატამალი ქკუა და აზრი, ერთი გონიერი მოსაზრება ჰქონდა მათ დამაარსებელთ, რომ ასეთ დიდ საქმეს აკისრებდა კომისსიასა და უფულოდ, უსახსროდ სტოვებდა, ან საზოგადოთ თავად-აზნაურობის ფინანსიური სიბრძნე კაკლის ნაქუქში არ ჩაეტყვია, განა ისეთი უსაფუძვლო და მოუფიქრებელი ბიუჯეტი, როგორც თავად აზნაურობა სა აქვს, კიდევ წარმოსადგენია? განა ქკუა არ უნდა ფულის მოხმარებასა? ის კი ვიცოდით, რომ თავად-აზნაურობამ ფულის ხარჯვა არასოდეს არ იცოდა, მაგრამ თუ მათი სიბრძნე და მომავლის ანგარიში იქამდის მივიდოდა, რომ კახეთის რკინის გზა ბოლოს და ბოლოს უცხოელებისთვის დარჩებოდა, თუ უცხო ენაზედ „ოფიციალიზების“ გამოცემისათვის ათასობით გაიღებდა, თუ ქალაქის თავს წამლობისთვის ფულს მისცემდნენ და კარგადაც ვერ გაცოც-

ხავდნენ ქალაქს მისი „ხამური“ საქციელისათვის და თავის დიდად დამსახურებულ თავის შეურაცხყოფისათვის და სხვა, და სხვა, — ეს კი არ გვეგონა, და თუ სადმე ჩვენ მდგომარეობაში რომელიმე საზოგადოება ასე იქცევა, თუ სადმე რომელიმე ერის ელემენტი, შეძლების მქონე, ჩხირ-კედელაობაზედ ჰვლანგავს ფულებს; ცხვირის წინ როცა ქვეყანა იქცევა — ესეც ახალი ამბავი იქნება ჩვენთვის.

„კაცს სახლი ეწოდა და ეზოში კვესს ექებდაო“, ზედ-გამოქრილია ჩვენ თავად-აზნაურობაზედ, მაგრამ კიდევ უფრო ზედ-გამოქრილია ისეთ ადამიანებზედ, რომლებიც ავენტობასაც კი ეწევიან თავის სამშობლოში უცხოთა დასახლებლად, — შემდეგი ანდაზა: „კაცს სახლი ეწოდა და ხელს მაინც მოვიტობო!“ — მერწმუნეთ, კარგი არა გამოვა რა ამ სასიქადულო საქმეთაგან ბოლოს და ბოლოს!

ღიახ, საშინელი მდგომარეობაა, პირდაპირ დაღუპვის აღში შევრგეთ თავი. ქართველი ხმლითა და თოფით ბრძოლას იყო შეჩვეული, და შეიძლება ეხლა მიტომ იყოს ზანტად და ლალად, რომ სანამ თავში არ ჩაარტყმენ, იგი დარწმუნებულია, რომ არაფერ ეომება. ჩვენ კი გვეგონია, რომ ამ შემთხვევაშიაც არ ამოიღებს ხმას, მაგრამ უბედურება ის არის, რომ არ ვიცით, რომ ხმალზედა და თოფზედ უარესი იარაღით გამოგვიცხადეს ბრძოლა, უკვე შემოიჭრენ ჩვენ ქვეყანაში, დაიჭირეს საუკეთესო პოზიციები, ჩვენი კი — არა თუ წინააღმდეგობა ვერ გავიწევიან მტრისათვის, არამედ ვერც კი ვხედავთ მტერსა, ზოგს დანახვაც არ უნდა, რამდენიც უნდა ეჩიჩინო, და მთვრალივით გამოზენტერებული იქით-აქეთ უაზროდ იყურება და გეკითხება, — გეჩვენება, მტერი კი არა ის არისო!...

რა დაგვმართნია! რამ გამოგვაიდიოტა ასე? — დავანებოთ თავი უაზრო ფუსფუსსა და ფართიფურთს. მუზეუმში სტაპენდიები, სკოლები, ქველმოქმედება, თეატრი, ყოველივე დავივიწყოდ დროებით. მთელი ჩვენი შეძლება, ენერგია, გონება, მთელი ჩვენი არსება ზედ დავაწუროთ საქართველოს შენახვას, თორემ როცა იგი ამოიშლება კავკასიის რუქიდან, — მერმე თუ გინდ ბრიტიშ-მუზეუმში და ოქსფორდის უნივერსიტეტი ააგე, თუ გინდ შესანიშნავი თეატრი აიშენე, — თუ გინდ გენიოსები აღზარდე, — იგი შენი აღარ იქნება, იგი სხვის ქვეყანაში და სხვის სამშობლოში იქნება. მაგრამ ჩვენ მიწაწყლის მქონეებს რომ ვერაფერი აგვიშენებია, გაბნეულნი და გაღატაკებულნი შევქნით რასმე! — ვეჭობ. ტყუილად ინუგეშებენ თავსა ებრაელებითა და სომხებით. ჯერ ერთი ჩვენ არც ერთისა არც მეორის ხასიათი არ გვაქვს — მათი ხასიათი საუკუნოებით შემუშავდა, მეორე, — ის დრო წავიდა, როცა ერები „სომხდებოდნენ“ და „ებრაელდებოდნენ“. ეხლა აღარავის



ალარ შეუძლია ასეთი გარდაქმნა. ეხლა დიდ ერთა კაპიტალიზმი წისქვილის ქვასავით დაფქვავს უცბად გაბნეულსა და ოხერ-ტიალად შთენილსა!

ეს დავიწვროთ ცხვირებზე ყველამ და სჯობს მთელს ერს მუზეუმებისათვის და თეატრებისათვის კი არა, ტერიტორიის დაცვისათვის მივმართოთ, — მივმართოთ ყველას მთელის ჩვენის ენერგიითა. თუ სამშობლო დავიცავით, — ყოველთვის ყოველისფერს ავაგებთ, თეატრსაც, მუზეუმსაც და უნივერსიტეტსაც, — თუ ვერა, — ვერაფერს და ვერასოდეს.

ტერიტორიის დაცვა, — აი რა უნდა იყოს დღეს ერთად-ერთი ჩვენი ლოზუნგი.

ალაროდელი.

ი. გრიშაშვილი.

### სიზმარი.

I

...და დავსუსტიდი... მთისა ძირში მივადე და მივიძინე, იმავ დროს კი, სიზმრად ძილში, ეს სურათი შევიძინე: ცის კაბადონს შავი რიდე აწუხებდა, ვით ტყვეს ხუნდი, და სამყარო კილით-კიდე ნისლს შთაენთქა. ბინდი-ბუნდი მეფედ იჯდა, ბატონობდა და სხივისან სინათლესა, სულ ჰკროლავდა, ჰქუხდა, გმობდა, ფეხით სრესდა სიმაართლესა.

II

აღზღდა ქარი. და ცას ფარდა შეახია... ნისლი ჰქრება... მსწრაფლ გამოჩნდა... გაიზარდა ანჯელოზთა დასი-კრება... და ჰვალობდნენ ერთ-ხმად, მწყობრად: „იშვა ქრისტე, — ვინც ვაგებით განვლო ეს დრო ობლად, ოხრად, — აწ იხარეთ ქრისტეს მცნებით!.. იშვა ქრისტე .. და მძვინვარეს ამა ქვეყნის ქურუმ-მძღაღვრთა დასცა ზარი, ჩაგრულთ მხარეს წმინდა დროშა ზე აღმართა!.. მაშ იხარეთ ინეტარეთ, სიხარულის ცრემლი ღვარეთ; ქრისტეს მცნება, მისწრაფება მაშვრალთ შორის დაამყარეთ!..

III

გამეღვიძა... და რა ვნახე? მტარვალთ ქსელი, შივ ობობა, კვლავ იუდას ბნელი სახე... ღმერთო ჩემო!.. კვლავ მონობა!.. ყვავ-ყორანი ედემის ვარდს კვლავ სჯიჯვინდნენ შესაზარად, და მტირალ ცას ერთ დროს ლაქევარდს, კვლავ ეხვია ნისლი ჯარად!.. ახ, ნუგეში მთლად წამერთო, ვერ ვაჩერებ ცრემლთა სრბოლას, და მას შემდეგ ვნატრობ, ღმერთო, შავ-საფლავში ძილს და წოლას!..

### აკაკი ჰარიშვილი.

მას შემდეგ რაც აკაკი ჰარიშვილი, იქაურ ქართველბაზს განზრახვა ჰქონდა აკაკისთვის თავისი პტივის-რეკამა და სიუვარული გაუზიარებინა. გვინდოდა. მოგვეწვია სხვა და სხვა მოწინავე რედაქციათა წარმომადგენლები, თუ პოლიტაქური მადღაწეუნი საფრანკეთისა (არის-სამია). მაგრამ ასეთი ფართე განზრახვა ოცნებად დარჩა. ხოლო 2 დეკემბერს (ახლის სტილით) მოკახერნეთ მცირე სერობის გამართვა აკაკის პტივის-ცემათ. სერობას დაესწრო აკაკი თავის მუდღეითა და შვილით, დაესწრო აკაკის ძალიან ჩაღნი ნიკოლაძის, ნ. ლობჯინიძე, შემთხვევით შესწრობილი მამდერალი ნინოშვილი, და მთელ ჰარიშვილ მუფთა ქართველობა 50 კაციმდე. სერობა გამსჭვალული იყო ქართულის ელფერით და ერთ სულფონობით, რამაც აკაკის დიდი შთაბეჭდილება მახსდინა. შიგა და შიგ სიტუეები ითქვა, რაზედაც აკაკი პასუხის აძლევდა ხოლმე. სიტუეა სთქვა გრ. გველკვიანი, ალ. გაბუნიამ, ი. ჭეიშვილმა, მ. გაბუნიამ, მატო მიქელაძემ, ალ. ჯანელიძემ, გ. კვიციანი, ალ. ჯანელიძემ და სხ.

აკაკიმ რამდენიმე სპასუხეა სთქვა. მოვიყენე პირველ პასუხს:

ბატონებო!. ქართველმა სტუდენტობამ რომ ფეხი აიდვა. თავი პირველად პეტერბურგში ამოპყო. იმ გუნდში, მეც ვერიე, ახალგაზრდა ჯან-ლონით სავსე და იმედებით აღფრთოვანებული. მას აქეთ ნახევარი საუკუნეა, მაგრამ; ჰოი საკვირველებავ, როგორც მაშინ, ახალგაზრდობის დროს, დღესაც კიდეი, ამ მოხუცებულობის დროს, ისევ ისე მიცემს გული, თქვენ შემომხედვარეს... და ჩემი სიხარული მით უფრო ორკეცია, რომ აქ თქვენთან ერთად ვხედავ მაშინდელ ჩემ ერთ ამხანაგთაგანს ბატ. ლობჯინიძეს. პირველი ბიჯი ყოველთვის სუსტია და ჩვენც, როგორც ფიქრობდით და



რაც გვინდოდა, ვერ მოვახერხეთ: სხვა და სხვა მოულოდნელი გარემოება წინ გველობებოდა. მას აქვთ დიდი ხანია... სწავლა-განათლებამ, მეცნიერებამ წინ წადგა ბიჯი და თქვენც უკეთეს პირობებში ხართ: თქვენ იზღვებით აქ, ამ თავისუფლების ქვეყანაში, სადაც, სხვა რომ არა იყოს რა, ხელს მაინც ყერაფერი შეუშლის თქვენს გრძნობა-გონების გადიდებას!.. აი, ამიტომაც, თქვენგან მეტს თხოვლებს სამშობლო და ჩვენი ნაკლი თქვენ უნდა შეავსოთ!.. ნურავინ იტყვის იმას, რომ არის კაცობრიობა და არა ნაციაო, ეროვნებაო, და მეც მინდა რომ პირდაპირ კაცობრიობას ვემსახუროო!.. ფერადოვანი კაცობრიობა, სხვა და სხვა ნაციის, ეროვნობისაგან არის შემდგარი და თვითოეულმა მათგანმა თვისი საკუთარი ელ-ფერი და საკუთარი „რამეობა“ უნდა შეიტანოს, რომ აივსოს საკაცობრივო ზღვა!.. თვითეულ კაცის, თავის ნაციასთან თან-შეზღიდოს, უფრო ნაყოფიერად შეუძლიან იმუშაოს სამშობლოში, ვიდრე გარეთ.. და მართლაც, ვისაც თავისი საკუთარი მშობელი არ უყვარს, იმას შეუძლია მშობლად სხვა შეიყვაროს? ვინც სამშობლოს არ ემსახურება, იმას შეუძლია, რომ უკეთ სადმე გარეთ იმსახუროს? ყველა ამას მხოლოდ გულ-გატეხილობა აფიქრებინებს აღამიანს და თქვენ კი არ შეგვეფენით გულ-გატეხილობა.. თქვენ ეკუთვნით იმ ხალხს, რომელმაც რუსთველის პირით გაიანდერძათ: „ქირსა შინა გამაგრება ისე უნდა ვით ქვიტკირსაო“ და იწრთვებით იმ დიდებულ ქვეყანაში, სადაც გენიოსმა რიშელიმ წარმოსთქვა: „ახალგაზდის ლექსიკონში სიტყვა: „არ შეიძლება“, არ შემიძლიან“ არ უნდა ეწეროსო“. თქვენც ყოველგვარი გასაქირი და განსაცდელი უნდა აიტანოთ, უეჭველად მიახწიოთ მიზანს და მომზადებული დაუბრუნდეთ სამშობლოს, თქვენც რომ ამ აზრისა ხართ, ამას მიმტკიცებს დღევანდელი აქ თავის მოყრა და მეტი აღარა დამრჩენია რა სათქმელად.

მხოლოდ ვისურვებ, რომ ამ თავისუფალ ქვეყანაში გაგმდიდრებინათ თქვენი გრძნობა-კონება და მით გაგებორციელებინათ ქართული მცნება: „მამა შეიღმა უნდა შეითვისოს!“

ქ-ნმა კატა მიქეჯაძემ უთხრა: დიღო მგოსანო! დღეს ჩვენთვის უცხოეთის ცივი უჩვეულო ატმოსფერო თბილსა და საამტკბილო გრძნობათ შეიცვალა ჩვენს გულში, და ფავი სამშობლოში გვეგულება, მხოლოდ უფრო განათლებულსა და ბედნიერში. ის, რაც ბავშვობიდან სატრფიალო საყვარელი იყო ჩვენთვის, აქ გვყავს იგი, ჩვენი ერის ბურჯი, სათაყვანო აღმზრდელი.

ნო წელიწადი იბრძოდი ჩვენი ტანჯული სამშობლოს გამოსახსნელათ, ჩვენი ეროვნულ ცხოვრების ასაღორძინებლათ. ამ ნიადაგზე ერთხელაც არ შეგიწყვეტია არც შენი უკვდავი ჩანგის ქლერა

და არც მამულიშვილური ბრძოლა. კავკასიის მიუბიდან შენი „დაფი და ნალარა“ სხვა და სხვა ხმაზე გაჰკიოდა, რომ სასოწარკვეთილ და მიძინებულ ერისათვის ძილი დაეფრთხო და კვლავ სასიცოცხლო გამირული სული შთაგებერა. ბავშვები გებრალეობდით და ჩვენი სამშობლოს ტანჯვას იმდენათ სუბუქად გადმოგვეცმდი, რამდენადც ნაზი იყო თვით ჩვენი მაშინდელი გრძნობა, ზუნება. ამისათვის ერთი და იგივე შინაარსი წლოვანებისა და გვარად ხედებოდა ჩვენს გულს.

„ჰაუ, ჰაუ, ქორო ნუ ფრენ ამ ეზოში დილ-დიღასო ვერ მოიპარავ, არ გაგატან ჩემს პატარა წიწილასო“—

გვაფხიზლებდი ჩვენ ოდესღაც, შენს პატარა მკითხველთ.

„კავკასიის მაღალ ქედზე მიჯაჭული ამირანი არის მთელი საქართველო ღმტრები კი ყვევ ყორანი.“ ეუბნებოდი დიდებს; და შენი სხივოსანი ბასრი ისრებით, დიღო პოეტო, არღვევდი წყვილადს, გულს უჭრიდი ამ ყვევ ყორნებს და ერეკებოდი მიჯაჭულ სამშობლოს ტკივილების შესამსუბუქებლათ. ამ ბრძოლაში რამდენი დაბრკოლება არ გელობებოდა წინ, რამდენი მწვავე არ განუტღია შენს ღვთაებრივ ცეცხლით აგზნებულს გულს?! მაგრამ შენი დიადი უკვდავი სულიერი ძალა, იმდენათ ძლიერი იყო, რამდენათაც ჩლუნგი და უსიცოცხლონი შენი მოპირდაპირენი.

„შეუმზადო მით ქვეყანას თაფლი, ზეცას სანთელიო, რომ იქ წმინდათ შეიწიროს და ანათლოს აქ ბნელიო ვინც მე იმ დროს ხელს შემეშლის ქვეყნის მტერი ის არიო,

და მისთვის მაქვს მომარაული გესლიანი ისარიო.“ დაჰკიოდა მათ, და ვაი იმ ურჩს, რომელსაც შენი მტრელი ისარი მიზანში ამოიღებდა. საქართველოს ცამ უკვე გუნდრუკათ გადმოგაკმია თავს შენგან შემზადებული სანთელი და ხალხის სახელით პატარა გოგონამ თავისი უმანკო ნორჩი გულით მოგძღვნა შენდამი თაფლათ ქცეული ხალხის გრძნობები, რათა სამარადისოთ დაიტკობ, გმირო მგოსანო, ხანგრძლივი ღელვით მრავალ მწვავე განცდილი მებრძოლი გული. აღსრულდა, დიღო მგოსანო, შენი შორს მტვრეტელობა, რომლითაც გვასულდგმულებდი ჩვენ:

„ნაშთი ძველი დიდებისა არ გამქრალა ჯერაც ყველა, დღესაც მისი შარავანდით ნიშანს გვაძლევს ცისარ- [ტყელა.“

და ეგ ნიშანი ისე არას ოდეს არ უნახავს საქართველოს, რაც მ.ნ თავისი დამოუკიდებულობა დაკარგა, როგორც შენს საიუბილეო დღესასწაულში. ერმა, რომელმაც თავის უკიდურეს მონობის დროს წარმოშობა დიდი აკაკი, იმ ერის მონობის ჯაქვს ქვეშ დარჩენა შეუძლებელია. ამირანი შეტოკდა,



შენიძრა შენდა პატივისაცემლათ და ამით თავის სი-  
ცოცხლის ძალაც დაგვანახვა. ყვავე ყორნები და ფრ-  
თხო მისმა შენძრევამ. ვხედავთ უტყუარს ნიმუ-  
შებს შენი წინასწარმეტყველების აღსრულებისას:

„მოვა დრო და თავს აიშვებს, ამ ჯაქვს დასწყვეტს  
გმირთა გმირი,  
სიხარულათ შეეცვლება ამდენი ხნის გასაქირი.“

ამ ნიშნით შეეკრებილვართ დღესაც აქ, და გთხოვთ  
მ ილოთ, დიღო მგოსანო, ჩვენი გულითადი მად-  
ლობა იმ მამულის-შვილური და ფაქიზი გრძობე-  
ბისათვის, რომელთაც გვიღვიძებდა შენი უკვდავი  
ჩანგის სიმთა ჟღერა, როგორც ადამიანს და რო-  
გორც ქართველს. მოგილოცავ რა სასურველათ  
დაგვირგვინებულს დიადს მოღვაწეობას, სასოებით  
ვსვამ შენს სადღეგრძელოს და ვისურვებ მრავალს  
წელს გვყავდე თავ-მოსაწონებელ ნიმუშათ, ჩვენო  
სიამაყე, ჩვენო დიდებავ!

მსურს დროს წარტაცო შენგან განვლილი  
მრავალი წელი მწარ-ნაღვლიანი,  
და სიჭაბუკეს სიცოცხლის ძალა  
მარად ცეცხლ-მფრქვევი იმედიანი.

ორთავე ერთათ მსურს დაგიბრუნო  
ძვირფას სიცოცხლის სადღეგრძელებლათ,  
მით ხნოვანების ჩამოგხსნა ტვირთი  
ძალის და ღონის შესაზავებლათ.

რომ ჩვეეს სამშობლოს, შენს ტურფა სატრფოს  
ბრძოლისა ველის ჰყავდე მაშველათ,  
კიდევ და კიდევ ნალარას სცემდე  
მის ტყვეობიდან გამოსახსნელად!

აკვიმ უბასუხა: როცა შეტყობა უნდათ  
წინდაწინ ამინდის, ბარომეტრში ჩაიხედვენ ხო-  
ლმე. რომელიმე ხალხის გაცნობა თუ გვინდა,  
ჯერ ქალები უნდა გავიცნოთ, როგორც ეროვ-  
ნების ბარომეტრი. როცა საქართველო სადა-  
როს იღვა, მაშინ ქართველი ქალიც, როგორც  
დედა, როგორც ცოლი და როგორც მოქალაქე  
განთქული იყო. იმ საუკუნეში რომ საქართველო  
დასცეს, ეს დაქინება ქალებს უფრო დაეტყოთ:  
დღეს ბევრ ქალს ნახავთ ჩვენში, რომ დავიწყებუ-  
ლი ჰქონდეს მისი „წმიდათა წმიდა“ და ქართუ-  
ლად ვეღარ ლაპარაკობდეს!.. თუ არ სოფელი  
ქალი, სხვები მიწერ-მოწერას ერთმანეთში ვეღარ  
ახერხებენ თუ არ უცხო ენაზე. სასწავლებელს ათა-  
ვებენ და თავს მათი მართლულობენ, რომ არ  
გვასწავლიანო!.. მაგრამ ეს ტყუილი თავის  
მართლებათა. იქ, სადაც შობილან და სადაც გა-  
ზდილან, ადვილია ენის შესწავლა, რომ გული-  
დან ამოფხვრილი არ ჰქონდეთ სრულიად ქართვე-

ლობა!.. ქართველი ქალები რომ ერთად მოიყრიან  
ხოლმე თავს, უცხო ენაზე ლაპარაკობენ და ერთ  
მათგანს რომ შეეშალოს, ვერ გამოსთქვას კარგად  
იმ უცხო ენაზე სხვები საცინლად აიგდებენ, და  
ქართული რომ სულ არ იციან, ის არაფერი ამის  
შემხედავი, იმედ მიხდილი ვიყავ ამ სიბერის დროს,  
მაგრამ ახალმა მოძრაობამ სხვა დამანახვა: ახალ-გა-  
ზდა ქალები მზათ იყვენ, რომ სამსხვერპლოდ თავი  
დაედევთ საქმისათვის. სწორი გზით მიდიოდენ თუ  
არა, ამაზე ახლა არაფერს ვიტყვი. აღვნიშნავ მხო-  
ლოდ, რომ დღევანდელმა ქალებმაც სული ძველე-  
ბური დედების გამოიჩინეს საკეთილდღეო მასალა  
შერჩენიათ და იმედია, რომ დროის შესაფერად კი-  
დევ აღადგენენ ძველ სახელს. ეს პირველი ბიჯი  
თქვენ შეგხვდათ და საჭიროა, რომ წადმართად  
გადასდგათ!.. ვისურვებ ამ უცხოეთში, თავისუფალ  
ქვეყანაში, თქვენს წარმატებას, რომ კეთილად და-  
უბრუნდეთ სამშობლოს.

ბოლოს აკვიმ ექსპრონტად ლექსით მიმართა კრე-  
ზას, რამაც აღტაცებული ტაშისცემა გამოაწვია:

ახალგაზღობას

ეს ჩემ თავზე რა მოვიდა? სადა ვარ?  
სიზმარია, თუ სასიზმრო ზღაპარი?  
მოხუცებულს და ბნელში მყოფს აქამდე,  
რად ამინთეთ სიხარულის ლამპარი?

მოგიყრიათ თავი ახალგაზღობას  
და მადლს უხდით ჩემს მგონობას და გრძობას,  
რომ დაატკბოთ მავით ჩემი სიბერე?  
მეც თავყანს ვსცემ თქვენს სიყვარულს და გრძობას!

მაგრამ მე კი, თქვენ რომ გინდათ, ის არ ვარ!...  
სხვა იქნება მომავალი ის გმირი!  
მე უბრალო მზეზი ვარ „დღეის-დღის“.  
იმ „მომავლის“ აჩრდილი ვარ და პირი!

ჩემ სუსტ შრომას თქვენ აქარბებთ თან-  
გრძობით!

საამისო აბა რა მომიცია?  
ეს ეკუთვნის, ვიმეორებ, „მომავალს“  
და იმისი არის რეპეტიცია!...

მე, ნამდვილ გმირს, საეროს, თქვენ საკადრისს,  
თქვენი წრიდან, თქვენგანვე გამოველი,  
და ვისურვებ, რომ თქვენს ცდასა და შრომას  
უცხოეთში მოემართოს აწ ხელი.

ნაკანი.



# მ გ ო ს ა ნ ს .

თუ შენ ამღერებ ბუღბუღსა,  
დაათრობ ვარდის ბუჩქებდა,  
მეც შენ ჰანგებზედ ვიმღერებ—  
შენს დაკრულ ჭიანჭურზედა!

თუ შენ დაეძებ სატრფოსა,  
ვინც დაგიკოდა გულია,  
მეც შენებრ ვეძებ სიყვარულს, —  
მისი დანახვა მწყურია!!

მიმიძინებოდა სევდიანს,  
ჯერ მზე არ აშოსულიყო;  
სიზმრები შორს დამათრევდნენ—  
ამაში დრო გასულიყო!..

შეგხედე ცისა კამარას,  
ვარსკვლავი მიმალულიყო,  
ღრუბელს მოკვდა ჰერა—  
მზის შუქი დაფარულიყო

მივედი ვარდთან დილაზედ,  
ბუღბუღი არ მოსულიყო?!  
კოკორმა თავი დაჰკიდა—  
მით ველარ ვკითხე სულიყო!

გადაიყარა ღრუბელმა  
მზემ სტყორცნა მიწას ისარი,  
შენ რომ დაეძებ, დასტირი?  
ჩემი სულიყოც ის არი!!

ეგებ იქ იყო მახლობლად,  
შვილებზედ გულ ნაკლულია?  
ქირ გარდახდილი დაბრუნდეს—  
მოგფინოს სიხარულია?!...

ნინო ორბელიანი.



თავად-აზნაურობის სხადგილ-მამულა კომისია

და

## მ ი ს ი მ ო ლ მ ე მ ე ლ ე ბ ა

როდესაც ჩვენს თავად-აზნაურობას ეტყვიან: თქვენ თავად-აზნაურული ტენდენციები გაქვთ, თავად აზნაურული ფსიხიკა გამოქმედებთ, ყოველ საკითხსა, ყოველ მოვლენას თავად აზნაურულ ძვალთა საზრსიით გაზომავთ და გააჩვენებთ, ყოველი წევრი თავად-აზნაურობისა აღელდება, წელში გასწორდება, კისერს მოიდგრებს და ამაყად გასცემს პასუხს: უკაცრავად, ჩვენ რუსის თავად-აზნაურნი არა ვართ, ჩვენ ვართ ქართველი და ყველაფერს ისე ვუყურებთ როგორც ქართველი და არა როგორც ერთ-ერთი წოდება ქართველი ერისა, და მაგალითებს ბევრს ჩამოგი-

თვლის, უწინარეს ყოვლისა კი მივითითებს. მის მიერ დაარსებულ საადგილ მამულა კომისიაზე: „ეს კომისია არსებობს ყველასთვის, გინურჩევლად წოდებისა, ის დახმარებას უწევს გლეხსაც და თავდასაც, ის ემსახურებაო. ეროვნულ საქმეს და ამ... თან იმ გვარად გააზვიადებს როგორც კომისიის „დიად“ მნიშვნელობას ისე მის მიერ გაკეთებულ საქმეებს, რომ აღამიანს, თუ ის დაახლოვებით არ ვაცნობია ამ კომისიის მოქმედებას, ეგონება ქა... თველი ერის ბედ იღბალი ამ კომისიის ხელთა და ამ ორ-სამ წელიწადში ადვილად გადასწყვეტს აგრარულს საკითხს და მასთან ერთად ტერრიტორიალურ საკითხსაცაო. მაგრამ ვინც ჩაიხედავს საქმის სიღრმეში, ვინც არ მოისურვებს განგებ თვალების ახვევას და ვისაც მართლა რომ გული შესტკივა ეროვნულ საქმისთვის და ვინც მაგელი თავისი არსებიდან ერთხელვე განუდევნია თავად-აზნაურული პსიხიკა, ე. ი. დონკიხოტური რაინდობა, ტრაბახი და ტრაბახის სისრულეში არ მოყვანა, ცალიერი გრძობა, თუ გინდ კეთილშობილურიცა, მაგრამ იქვე მეორე დღესვე, გულში ჩაკლული და ჩაფუჭული, სპარსული პოლიტიკიანობა და თერთისა და შავი სისხლის გარჩევა—ის ადვილად მიხვდება რომ ეს მათი დაარსებული კომისია ან უაზრო და უკილო ტრაბახის ნაყოფია ან და თავალთმაქცობა ხლხის დასაბრმავებლად გამოგონილი: რომ საარაკო ბუზივით, ვისაც შეხვდებიან გზაზე, ყველას უთხრან: ჩვენ ვხნავთ, ან ვხნავდით.

სხვაფრივ არაფრით არ აიხსნება ის გარემოება, რომ კომისია დაარსეს, ფული კი მხოლოდ ქალღღებ მისცეს, სხვაფრივ არ აიხსნება ის შედეგი, რომ თავის მოქმედების დასაწყისიდან დღემდის ეს კომისია \*) თამაშობს დაღალის, იქნება ეს სიტყვა შეურაცყოფად იქნეს მიღებული, ესთქვათ, კომი სიონერის უბრალო როლს, კომისიონერისა, რომელიც ზის თავის კანტორაში დილის 9 საათიდან შუადღის სამ საათამდე, არიგებს გლეხებს მემამულესთან, მემამულეს გლეხებთან და მორიგებულ ფასს ერთ გამოართმევს ხელიდან და მეორეს ჩაუდებს ხელში. მხოლოდ იმ განსხვავებით, რომ დაღალი, კომისიონერი გარიგებაში ფასს იღებს, კომისია კი არა, ის უფასოდა სწევს თავის შრომას და ესა აქვს მას სატრაბახოდ, ამისთვის ელის ის ჩვენგან გუნდრუკის კმევისა და ტაშის ცემას.

ესაა საქმე? ამაში მდგომარეობს ეროვნული საქმის სამსახური? ამით უნდა გადასწყვიტოს თავად-აზნაურობამ აგრარული საკითხი? ამით უნდა დაიცვას თავის ერის ტერიტორია რომელიც მას ზღაპრულ ხალიჩასავით ფეხქვეშ ეკლებათ?

ან იქნებ არ იცის არც თავად-აზნაურობამ

\*) ყველა ეს, რასაც ჩვენ აქ ვამბობთ სრულიად არ ეხება ბ. ალ. ყიფშიძეს, რომლის შრომა დაუფასებელია, მაგრამ რა ჰქნას, რომ სამოქმედოდ ფული არ მისცეს.



და არც მისმა „პირმო შვილმა“ კომისიამ, რომ ქართველ ერს ტერიტორია მართლა ფეხქვეშ ეცლება?

თუ არ იცის, უნდა იცოდეს! და თუ იცის, მისი მოქმედება გასაკიცხია, ვიტყვით მეტსაც, ბოროტ-მოქმედება!

დაუგდეთ ყური, რა ხდება ჩვენს გარშემო.

როგორც შავი ყორნები მინდორში დაგდებულს ლეშს, დასტრიალებენ ჩვენს ტერიტორიას „უცხო ტომის ხალხნი, „ხოლოკები“, კომისიონერები“, აგენტები (ამ უკანასკნელთა შორის ბევრი ქართველი თავადია), დაძრწიან სოფელ-სოფელ, მემამულეთა ოჯახებში და სადაც კი დანახავენ ისეთ ველსა და მინდორს, სადაც ქართველი გლეხის ქოხი არა სდგას ზედ, ხოლო მარტო ჰხნავს და სთესს და თავისი წლიური სარჩო მოაქვს, დააღებენ ზედ ფეხს და მივლენ გაქირყებულ მემამულესთან: მამული უნდა მოგვყიდო, თუ ფული ბლომად გინდაო. და ჩვენებურ მემამულეს ოღონდ კი მამულის გაყიდვა გაუხსენე, ის ჩოხას არც კი ჩაიცვამს ისე გარბის „Переселенческий пункт“-ში ან კიდევ ნოტარიუთან. რაღაც ციებ-ცხელება დაემართათ როგორც მყიდველებს ისე გამყიდველებს-ქართველ გამყიდველებს და უცხო ტომის მყიდველებს. დღე არ გავა, რომ ათასობით დესეტინა მიწა არ გაიყიდოს, დღე არ გავა, რომ ახალი და ახალი „ხოლოკები“ არ გაჩნდნენ ტფილისში. დღე არ გავა ისე რომ გაყიდვის პირობა არ იწერებოდეს, და როგორ გგონიათ. რამდენი დღეა საქირო, რომ ქართველი ერის „თავისუფალი“ მიწები სრულიად გაიყიდოს? მგონი, რომ ორი კვირაა საქმარისი და ასეც მოხდა კახეთში და ბორჩალოს მაზრაში. მთელი ივრის ხეობა, სადაც ქართველი გლეხი ხნავდა და სთესავდა, სადაც თავის საქონელს ბაღახს აძოვებდა, მთლად გადავიდა უცხო ტომის ხალხის ხელში. ქართველს გლეხს დარჩა მხოლოდ ფერდობი, ტყე და ღრე, სადაც ის მოსახლეობს და სადაც მას აქვს პატარა ბახჩა სახლის წინ და რომელიც ამიერიდან შეადგენს მის ვენახსაც, ბოსტანსაც სახნავსაც, საძოვარსაც და სათიბსაც.

ხალხიც და ჩვენც ვტირით მაშინ, როდესაც რომელიმე სოფელს დროებით ეკუთვნიდა ჩაუყენებენ ხოლომე, დღეა კი ჩვენს სოფლებს ეუღმვის ეკუთვნიდა უყენებენ, მიწა-წყალს ართმევენ. სულს უხუთავენ, სიცოცხლის ნებას მხოლოდ ათი ოცი წლით აძლევენ და ჩვენ ვკომისიონერობთ, ვდალალობთ, ერთ-ორ კომლს გლეხს ვეხმარებით ერთი-ორი მემამულისაგან იყიდოს ერთი-ორი დღიური მიწა და ნუ დაგავიწყდებათ, რომ იმავე დროს ვეხმარებით ადგილობრივ მკვიდრთ—უცხო ტომის ხალხსაც, რადგან თავად აზნაურულ კომისიის პროგრამაში ეს მუხლიც შედის.

ხელიდან წავიდა და მიდის ალაზნის ხეობა,

ივრის ხეობა, მთელი ბორჩალოს მაზრა, გორის მაზრას საუკეთესო ადგილები, „ტილიფონა“, დუშეთის მაზრის საუკეთესო ველ-მინდორი, შავი ზღვის ნაპირებზე სათქმელიც აღარაფერი გვაქვს და ის ნაწილი ჩვენი საზოგადოებისა, რომელიც ნივთიერად უძღურია, ტირის, მხოლოდ ტირის, თავდაზნაურობა კი, რომელსაც საშვალეება აქვს ცოტაოდნად მაინც დახმარება გაუწიოს ამ საქმეს, იმავე დღეს, რა დღესაც ჩვენი მიწები სხვის ხელში გადადის და ჩვენ გლეხობას ყელი ექრება, იმავე დღეს 50,000 მანათს აძლევს „კახეთის“ საზოგადოებას, 3000 მანათს აძლევს დეპუტაციას პეტერბ. წასასკლელად, 1,000 მანათით დახმარებას უწევს ერთ-ერთ რუსულ გაზეთს და 1,500 მანათს უღებს ჯიბეში ქალაქის მოურავს თავის მოსარჩენად.

არის თუ არა ეს ბოროტ-მოქმედება?

„კახეთის“ საზოგადოება და მისი საქმე ფრიად სიმპატიურია და ჩვენთვის სასარგებლოც, მაგრამ იქ ასი წევრია, აქ მთელი ქართველი ერი. 50,000 მანათი ამ საზოგადოებას ვერაფერს უშველის, ვინაიდან ეს ფული მისთვის მეტად ცოტაა. ამ ფულით კი ორი ათასს, სამი ათასს დესეტინას შეეძენდით ჩვენს გლეხებს. ქართული გაზეთი რუსულ ენაზე დაწერილი, კარგი საქმეა, ავადმყოფ „მოურავის“ დახმარებას უბრალო კატეგორიურობა მოითხოვს, მაგრამ თავდაზნაურობა ჰხარჯავს 5,500 მანათს, მაშინ როდესაც კომისიის ერთი გროში არა აქვს, რომ თუ ამას საქიროება მოითხოვს, ერთ-ერთი მისი წევრი სოფელში წავიდეს და გლეხს მიწის ყიდვა ურჩიოს.

მაგრამ მკითხველმა რომ არ იფიქროს, რომ ეს ჩვენი უკანასკნელი მოსაზრება ჩვენი ფანტაზიის ნაყოფია, ე. ი. რომ ამ ფულებით რამდენიმე ათასი დესეტინის შესყიდვა შეიძლებოდა, მოვიყვანთ რამდენიმე კონკრეტულ მაგალითს.

ამას წინადა ივრის ხეობაზე თავ. ლ. ანდრონიკაშვილმა თავის მოძმეების თანხმობით მიპყრდა რუსეთიდან გადოსახლებულ გლეხებ 1,800 დესეტინა მინდორი. მორიგებულნი იყვნენ დესეტინაში ათ თუმნათ. გლეხებმა მისცეს თ. ანდრონიკაშვილებს ბედ ორასი თუმანი და პირობის ძალით მოვალენი გახდნენ 60,000 მანათი ჩაებარებიანთ 15 გიორგობისთვის. ეს ვადა გავიდა და გლეხებმა თავისი პირობა ვერ შეასრულეს და ამათი პირობა დაირღვა, ამიერიდან თავ. ანდრონიკაშვილებს შეეძლოთ ეს მამული ვისთვისაც უნდა იმისთვის მიეყიდნათ. ახლა, მოისმინეთ კარგად, რა ხდება? თავ ლ. ანდრონიკაშვილი მიდის საადგილ-მამულთა კომისიაში და ეუბნევა მათ: მყიდველები, რომლებსაც მე გავურთავებ, დღეს რომ მოვიდნენ კიდევაც ჩემთან, მე აღარ მიყვები, რადგან ამის უფლება მაქვს, მამული კი უნდა გავყიდო, რადგან თუ არ



გავყიდე, ან ბანკი გამიყიდის, ან ჩარჩი-ვაქარი. აი-  
ლეთ ეს ჩვენი მამული, იყიდეთ თქვენ და შემდეგ  
მიჰყიდეთ იმას, ვესაც გინდათ. ფული არა გაქვთ?  
ეკითხება თავ. ანდრონიკაშვილი. ფული არ გინ-  
დათ. ამ მამულს ჩვენ დაგიმტკიცებთ, რანაირი წე-  
სითაც გინდათ. თქვენი საკუთრება რომ გახდება,  
აილეთ და დააგირავეთ ბანკში. რაც ფული აიღოთ,  
მოგვეცით ჩვენ მონაწილეებს, ხოლო დანარჩენი ფუ-  
ლი მოგვეცით წვრილ-წვრილად ხუთი, ათი, ოცი  
წლის განმავლობაში.

ამაზე უკეთესი პირობები, ამაზე მეტი შეღავა-  
თი, მგონი, რომ შეუძლებელია! 1,800 დესეტანას  
უკვე გაყიდულს კომისია საკუთრებად იძენს უფუ-  
ლოდ, თუ არ ჩავთვლით ას-ორას თუმანს წვრილ-  
მან ხარჯებს და, როგორ გგონია, მკითხველო, კო-  
მისია უარ-ჰყოფს ანდრონიკაშვილის პირობებს:  
მაგას ბევრი დავი-დარაბა უნდა, ჩვენ არ შეგვიძ-  
ლიანო (sic!)

აი მეორე მაგალითიც, მხოლოდ ამ უკანასკ-  
ნელს სულ სხვა ელფერი აქვს. ამ დღეებში თავ-  
ნ. ბარათაშვილი მივიდა ამ კომისიაში და მოახსე-  
ნა: ბორჩლოს მახრაში 1,300 დესეტანა მპული  
მაქვს, მიზოვნეთ მყიდველი ქართველები, თორემ  
ბერძნები მვეპკრებიან და იძულებული ვიქნები,  
იმათ მივყიდოვო. კომისიამ განიხილა ეს წინადა-  
დება და და-დგინა: რადგანაც ჩვენ ამ უამად საშუ-  
ალეა არა გვაქვს ქართველები დავასახლოთ, ნება  
მიეცეს თავ. ბარათაშვილს მამული ბერძნებს მიჰ-  
ყიდოსო.

ნება დართეს!! იქნებ ვინმემ უპოვნოს ამგვარ  
დადგენილებას შესაწყნარებელი მიზეზები, მე კი  
კალამი ხელიდან მივარდება და ჩემი გონება წინ  
ველარ მიდის.

ნება დართეს!! რა უფლებით?

ვის როგორ, რანაირად? ვის რა უფლების  
მიცემა შეუძლიან?

კომისია აქ ერთის მხრივ უარჰყოფს უფულოდ  
მამულის შექმნას, მეორეს ნებასა რთავს მამული  
უცხო ტომის ხალხს მიჰყიდოს, კახეთის გზა ტყე-  
ცილზე კი რომ გაჩერდეთ, ნახავთ, რომ ყოველ-  
დღე გამუდმებით ზოგი ფურგუნით, ზოგი ურმით,  
ზოგიც ფეხით ერთი მეორეს მისდევს იმერეთიდან  
წამოსული ხალხი ალაზნის გაღმა მიწის საზოგენ-  
ლადა და დასასახლებლად.

მაშ გვეყოლია ხალხი, რომელიც გაურბის სი-  
ვიწროვებს, ვეღარ იტანს შიმშილს და ლუკმა პუ-  
რის საზოგენლოდ ეძებს თავისუფალ ადგილებს სხვა-  
გან, გლეხკაცის თვალთა საზრით შორეულ კახეთ-  
ში. მას უნდა მხოლოდ პატრონობა, გზის ჩვე-  
ნება, გამხნეება და საგლეხო ბანკთან დახმა-  
რება, უკეთესად რომ ვსთქვათ, ამ ბანკთან ბრძო-  
ლა და ხმის ამაღლება, რომ ეს უკანასკნელი ასე  
აშკარად და ცხადად არ სჩაგრავდეს ქართველ

გლეხს და იმავე დროს ყოველ ღონისძიებას არ  
ხმარობდეს, რომ რუსის გლეხმა კავკასიაში მამული  
შეიძინოს.

აი მაგალითიც: საგლეხო ბანკმა, როდესაც  
თავ. მალხაზ ანდრონიკაშვილს მამულის ყიდვა  
დააპირეს ქართველებმა, დააფასა ეს მამული 55 მ.  
ერთი თვის შემდეგ კი იგივე მამული, როდესაც ის  
რუსის გლეხებმა იყიდეს, იმავე ბანკმა დააფასა  
100 მან.

უცხო ტომის ყველა ხალხს ჰყავს თავისი  
პატრონი, ფულით დახმარე, გზის მაჩვენებელი,  
მარტო ერთად ერთი ქართველი გლეხია ოხერ-  
ტიალი, და ან ზის თავის ქონში მშიერ მწყურვალი,  
ან და დაეხეტება მიწის საზოგენლოდ უგზო-უკე-  
ლოდ, ღვთის ანაბარა, სადაც მიაწყდება იქ გა-  
ჩერდება, და, ვინ იცის, იქ უარესი სიმშვილი არ  
მოელის!

ვინ იცის, იქნება თავად-აზნაურობამა სთქვას,  
ჩვენ რას ჩავცვიებიხართ, რა ჩვენი საქმეა, ჩვენ  
ჩვენი თავისთვისაც ვერ მოგვივლიათ, როგორც  
წოდებას ეს მას შეუძლიან სთქვას, მაგრამ ჩვენ კი  
ვიტყვი, რომ არის ერთგვარი მომენტი, მოვ-  
ლენა ადამიანის ცხოვრებაში. როდესაც მას სჭი-  
რია დიდი დაფიქრება, დიდი გამჭირახობა, რომ ის  
მომენტი, ის მოვლენა შემდეგში სანანურად არ  
დარჩეს და მთელი თავისი სიცოცხლე სულის ქე-  
ჯნით არ დაიტანჯოს. ვაი იმ დედას, რომელმაც  
თავის ავადმყოფი შვილის მოსარჩენად არ იღონა  
ყოველი ღონე, არ იხმარა ყოველი საშუალება,  
რომ შვილი სიკვდილისაგან გადაერჩინა, მთელს  
თავის სიცოცხლეს ის ტანჯვაში გაატარებს, მაგრამ  
მანც ვერ გამოისყიდის იგი თავის დანაშაულობას.

ეს დაფიქრება მართებს არა მარტო ჩვენს თა-  
ვთ-აზნაურობას, არამედ ყველა ქართველსაც, რო-  
მელსაც თავისი მოვალეობა კარგად ესმის და ულ-  
მობელი ისტორიის შიში და რიდი აქვს.

აზნაური.

## ხელუხლებელი „ტიარრიტორია“

და საფცაძი „ქართობა“.

საქართველოს მიდამოებს ბევრი ისეთი ადგი-  
ლები აკრავს გარშემო, რომ ჩვენთვის და ჩვენი  
ხალხისათვის ძლიერ საინტერესოა მისი ნახვა, და-  
თვლიერება, მათი მცხოვრების გაცნობა და მათ  
ზნე-ჩვეულებასა და ადათებზე დაკვირვება.

ადესლაც ლაზისტანი, ანუ „ლაზიკა“, ვიცით  
რომ საქართველოს ნაწილს შეადგენდა. ის ახლაც  
მხოლოდ მეგრულად მოლაპარაკე ხალხითაა დასახ-  
ლებული. მთელი ლაზისტანი წარმოადგენს მთა-  
კლდიან ადგილებს შავი ზღვის პირას, აქვს რამო-



დენივე მისადგომი ზღვიდან, ნავთსადგური კი, ისეთი სკა გემ-ნავს ზღვაზე შეეძლოს დაბინავება, არსად არა აქვს. თვით ლაზისტანის მცხოვრებნი დიდად დახელოვნებულნი მებღვაურები არიან და თან მეთევზენი. არც გასაკვირალია, რადგან თითქმის ყველა ზღვის პირებში და ზღვის მახლობლად: ღვანან; აქეთ ქალაქებიც, თუმცა პატარა-პატარა, მაგრამ სუფთა და ლამაზი, აქეთ სასწავლებლები მეჩეთებთან, საცა ბავშვები პირველ დაწყებით წერა-კითხვას სწავლობენ და ყურანიდან სხვა და სხვა სალოცავებს იზებირებენ. სწავლა ყოველივე თათრულ ენაზე სწარმოებს, რადგან ლაზებს ძვიანთი წერა-კითხვა არა აქვსთ. ყველა მუსულმანებია და ძლიერ სასტიკადაც ასრულებენ მუსულმანობას. ქალები ლაზისტანში უფრო მორიდებულია კაცის თვალისაგან, ვიდრე კონსტანტინეპოლის და სხვა მუსულმანთა ქვეყნებისა და ქალაქებისა. ზნეობა უმაღლეს წერტილამდის არის დაცილი, მთელს ლაზისტანში ვერც ერთს ცუდი ყოველქვეცის ქალს ვერ ნახავთ. ასეთი ზნეობის შედეგი უნდა იყოს უექველად ის საიოცარი მოვლენა, რომ ქალი და კაცი, დიდი და პატარა ყველა ჯანმრთელია, ვერსად, ვერც ქალაქში და ვერც სოფლებში ვერ შეხედვით ფერ წასულს, ავთ მყოფი სახის მქონე ბავშვებს; ისე არიან ჩასკენილ დასუქებულნი და ძვალ სხვილნი, რომ მათ ნახვას არა სჯობია რა.

საზოგადოდ ლაზები თითქმის ყველა შეძლებულნი. დიდრონი ქვეთვირის, ორ ორ სართულიანი სახლები, ბეღელი, ნალია, პხორი პირუტყვებისთვის და სხვა საოჯახო შენობები, თითქმის ყველას აქვს. უბრალო სახლს, შუაზე ცეცხლიანს, იშვიათად შეხედვით. ერთის შეხედვით თქვენ ძლიერ გიკვირთ ეს მოვლენა ასეთ კლდე-ღრიან ადგილებში, საცა არსად საცალფეხო და ზოგან ცხენის გზის მეტს, ვერც საურმეს, ვერც ურემს და გუთან საინის ვერ ნახავთ, ამაზე წარმოდგენაც კი არა აქვთ. დიად თქვენ გიკვირთ თუ ეს ხალხი, ასე უგზო უქვლოდ როგორა ცხოვრობს და რაც უფრო გაიკვირებთ—ასე მდიდრად და რიგიანად მოწყობილნი როგორ არიანო? მხოლოდ როცა ახლოს გაიქნობით მათ ცხოვრებას, გაიგებთ მათს ქალისა და კაცის, დიდისა და პატარას განუწყვეტელ შრომის მოყვარეობას, თქვენ ადვილად მიხედვით მიზეზს მათი ასეთი კარგად მოწყობისას, აი როგორ არის მოწყობილი უბრალო გლეხის ოჯახი:

სახლი უექველად ორ სართულიანია და ქვეთვირის, ხენარევი; ჯერ ჩაყრიან ქვისს აძირკველს და ამოაშენებენ ქვეთვირით. ასე ორ ნახევარ—საქი არშინის სიმალღებულ, შემდეგ-კი ამაზედ დააშენებენ წაბლის ხის ბალავერებს, ამ ბალავერებზედ დაასობენ ხშირს, ირიბულ სვეტ-ბანდებს, ისე რომ ამ სვეტ ბანდებს შუა რჩება ოთხ კუთხი, ნა

ხევარი არშინის ოდენა ცარიელი ადგილები, ამ ადგილებში კი, ჩააშენებენ ოთხ-კუთხსავე, განგებ გათლილს ქვებს, უფრო რიყისას, და ცემენტით ამოუშენებენ ხოლმე კედლებს; კარ სარკმლები წაბლის ხისაგან აქვს ასეთს სახლებს, იატაკ-აივანიც წაბლისაა. დახურული მეტ შემთხვევაში კრამიტითაა, ზოგან ყავრითაც, ამავე სართულში არის მოთავსებული საკუქნაო, სამზარეულო, სალარო და ორი განყოფილება „სალამიკა“—საკაცებო და პარემლიკ—საქალგებო. თითო განყოფილება შესდგება ორ, ან სამ და ხან მეტ ოთახიდან. ორის ნაკლები კი იშვიათად არის. მოწყობილი აზიურ გემოვნებაზეა, მაგრამ სუფთად და ლამაზათ, ხალხით და ნოხ-ფარდაგებით, უმეტეს შემთხვევაში შინაურობაში მოქსოვილით. ხელსაქმე საზოგადორო ლაზების ცოლებმა და საზოგადოდ ქალებმა საერთოდ ყველამ იცის, ეს იქიდანაც სჩანს, რომ ყოველი კუთხე მათი სახლისა, რაღაც ნაკერ-ნაქსოვით არის მოფარდაგებული; მუთაქები, ბალიშები, საბნები და სხვა საოჯახო სამკაულები სულ თუ არა, უმეტეს შემთხვევაში მაინც ქალების ხელსაქმით არის გამოლამაზებული. სასტუმრო ოთახის იატაკი სრულიად მოგებულია, გარშემო მოგებულივე ტახტია შემოყოლებული, სასტუმრო ოთახის ოთხივე კუთხეში თითო ოთხ კუთხი ლეგი აგია და ირგვლივ მუთაქები აქვს შემომწყობიებული, სარკმლებს ყოველგან ფარდები აქვს. წყალი თითქმის ყველას სახლში აქეთ გამოყვანილი ხელ პირის საბანად და აბანოსთვისაც. უაბანოვო სახლი არ შეიძლება, თუმცა უბრალოდ ხელით სათბობი თუნგით იბანენ ხოლმე ტანსა, მაგრამ მაინც აქვს ყველა სახლს ერთი პატარა ოთახი, საცა ორი კაცი მოთავსდება თავისუფლად და ერთმანეთის საშვალეებით ანდა მარტოკაც ტანს დაიბანს ხოლმე. სისუფთავე უმაღლეს წერტილამდის არის აყვანილი, ხელ ფეხ დაუბანელი და პირ გამოურეცხელი არც ქალი არც კაცი, არც დიდი, არც პატარა საწოლში არშევა. საკმელ-სასმელი სუფთაა და გემრიელი, ალაგ ალაგ არაყსაც სვამენ, ღვინო კი არსად არ მოიპოვება, თუმცა ვენახი და ყურძენი საკმაოდ არის. უფრო კი ღვინოსა, „იზაბელა“. მოსახლეს ვერ ნახავთ ისე, რომ ძროხები არ ყავდეთ, ბევრგან თხებიც, ცხვრებიც ჰყავთ, ყველანი მეწველია უექველათ. ხარი კუროს გარდა არ მოიპოვება, ცხენიც ძლიერ იშვიათია, ზოგან ჰყავთ ჯორები, განსაკუთრებით ტვირთისთვის, ქვის და სხვა მძიმე მასალის საზიდავათ. საინტერესოა მათი წყლის საზიდავი მანქანა; სადაც წყალი ახლოს არ არის, იქ აქეთ ერთნაირი ბრენსბერგისებური მავთულები გაბმული, რომელსაც აქვს ზედ მოწყობილი ვედრა, ამ ვედრას აბია ბაწარი, რომელიც არის სწორედ წყლის ტბასთან რგოლში გამოყრილი; ერთის მხრით, გაუშვებენ ამ ვედრას რკინის მავთულზე



გავყიდე, ან ბანკი გამიყიდოს, ან ჩარჩი-ვაქარი. აი-  
ლეთ ეს ჩვენი მამული, იყიდეთ თქვენ და შემდეგ  
მიჰყიდეთ იმას, ვესაც გინდათ. ფული არა გაქვთ?  
ეკითხება თავ. ანდრონიკაშვილი. ფული არ გინ-  
დათ. ამ მამულს ჩვენ დაგიმტკიცებთ, რანაირი წე-  
სითაც გინდათ. თქვენი საკუთრება რომ გახდება,  
აილეთ და დააგირავეთ ბანკში. რაც ფული აიღოთ,  
მოგვეცით ჩვენ მონაწილეებს, ხოლო დანარჩენი ფუ-  
ლი მოგვეცით წვრილ-წვრილად ხუთი, ათი, ოცი  
წლის განმავლობაში.

ამაზე უკეთესი პირობები, ამაზე მეტი შედეგა-  
თი, მგონი, რომ შეუძლებელია! 1,800 დესეტანას  
უკვე გაყიდულს კომისია საკუთრებად იძენს უფუ-  
ლოდ, თუ არ ჩავთვლით ას-ორას თუმანს წვრილ-  
მან ხარჯებს და, როგორ გგონია, მკითხველო, კო-  
მისია უარ-ჰყოფს ანდრონიკაშვილის პირობებს:  
მაგას ბევრი დავი-დარაბა უნდა, ჩვენ არ შეგვიძ-  
ლიანო (sic!)

აი მეორე მაგალითიც, მხოლოდ ამ უკანასკ-  
ნელს სულ სხვა ელფერი აქვს. ამ დღეებში თავ-  
ნ. ბარათაშვილი მივიდა ამ კომისიაში და მოახსე-  
ნა: ბორჩალოს მახრაში 1,300 დესეტანა მამული  
მაქვს, მიშოვნეთ მყიდველი ქართველები, თორემ  
ბერძნები მივაქვრებიან და იძულებული ვიქნები,  
იმათ მივყიდოვო. კომისიამ განიხილა ეს წინადა-  
დება და დადგინა: რადგანაც ჩვენ ამ ყამად საშუ-  
ალება არა გვაქვს ქართველები დავსახლოთ, ნება  
მიეცეს თავ. ბარათაშვილს მამული ბერძნებს მიჰ-  
ყიდოსო.

ნება დართეს!!! იქნებ ვინმემ უპოვნოს ამგვარ  
დადგენილებას შესაწყნარებელი მიზეზები, მე კი  
კალამი ხელიდან მივარდება და ჩემი გონება წინ  
ველარ მიდის.

ნება დართეს!! რა უფლებით?

ვის როგორ, რანაირად? ვის რა უფლების  
მიცემა შეუძლიან?

კომისია აქ ერთის მხრივ უარ-ჰყოფს უფულოდ  
მამულის შეძენას, მეორეს ნებასა რთავს მამული  
უცხო ტომის ხალხს მიჰყიდოს, კახეთის გზა-ტყე-  
ცილზე კი რომ გაჩერდეთ, ნახავთ, რომ ყოველ-  
დღე გამუდმებით ზოგი ფურგუნით, ზოგი ურმით,  
ზოგიც ფეხით ერთი მეორეს მისდევს იმერეთიდან  
წამოსული ხალხი ალაზნის გაღმა მიწის საშოვნე-  
ლად და დასასახლებლად.

მაშ გვეყოლია ხალხი, რომელიც გაურბის სი-  
ვიწროვებს, ველარ იტანს შიმშილს და ლუკმა პუ-  
რის საშოვნელად ეძებს თავისუფალ ადგილებს სხვა-  
გან, გლეხკაცის თვალთა საზრით შორეულ კახეთ-  
ში. მას უნდა მხოლოდ პატრონობა, გზის ჩე-  
ნება, გამხნეება და საგლეხო ბანკთან დახმარ-  
ება, უკეთესად რომ ვსთქვათ, ამ ბანკთან ბრძო-  
ლა და ხმის ამაღლება, რომ ეს უკანასკნელი ასე  
აშკარად და ცხადად არ სჩაგრავდეს ქართველ

გლეხს და იმავე დროს ყოველ ღონისძიებას არ  
ხმარობდეს, რომ რუსის გლეხმა კავკასიაში მამული  
შეიძინოს.

აი მაგალითიც: საგლეხო ბანკმა, როდესაც  
თავ. მალხაზ ანდრონიკაშვილის მამულის ყიდვა  
დააპირეს ქართველებმა, დააფასა ეს მამული 50 მ.  
ერთი თვის შემდეგ კი იგივე მამული, როდესაც ის  
რუსის გლეხებმა იყიდეს, იმავე ბანკმა დააფასა  
100 მან.

უცხო ტომის ყველა ხალხს ჰყავს თავისი  
პატრონი, ფულით დამხმარე, გზის მაჩვენებელი,  
მარტო ერთად ერთი ქართველი გლეხია ოხერ-  
ტიალი, და ან ზის თავის ქოხში მშვიერ მწყურვალი,  
ან და დაეხეტება მიწის საშოვნელად უგზო-უკე-  
ლოდ, ღვთის ანაბარა, სადაც მიაწყდება იქ გა-  
ჩერდება, და, ვინ იცის, იქ უარესი სიმშვილი არ  
მოელის!

ვინ იცის, იქნება თავად-აზნაურობამა სთქვას,  
ჩვენ რას ჩავცივებხართ, რა ჩვენი საქმეა, ჩვენ  
ჩვენი თავისთვისაც ვერ მოგვივლიაო, როგორც  
წოდებას ეს მას შეუძლიან სთქვას, მაგრამ ჩვენ კი  
ვიტყვიო, რომ არის ერთგვარი მომენტი, მოვ-  
ლენა ადამიანის ცხოვრებაში. როდესაც მას სქი-  
რია დიდი დაფიქრება, დიდი გამჭირახობა, რომ ის  
მომენტი, ის მოვლენა შემდეგში სანაშურად არ  
დარჩეს და მთელი თავისი სიცოცხლე სულის ქე-  
ჯნით არ დაიტანჯოს. ვაი იმ დედას, რომელმაც  
თავის ავადმყოფი შვილის მოსარჩენად არ იღონა  
ყოველი ღონე, არ იხმარა ყოველი საშუალება,  
რომ შვილი სიკვდილისაგან გადაეჩინა, მთელს  
თავის სიცოცხლეს ის ტანჯვაში გაატარებს, მაგრამ  
მინც ვერ გამოისყიდის იგი თავის დანაშაულობას.

ეს დაფიქრება მართებს არა მარტო ჩვენს თა-  
ვად-აზნაურობას, არამედ ყველა ქართველსაც, რომ-  
მელსაც თავისი მოვალეობა კარგად ესმის და ულ-  
მობელი ისტორიის შიში და რიდი აქვს.

აზნაური.



### ხელუხლებელი „ტიარაიტორია“

და საფცარი „ერთობა“.

საქართველოს შიდა მოგებს ბევრი ისეთი ადგი-  
ლები აკრავს გარშემო, რომ ჩვენთვის და ჩვენი  
ხალხისათვის ძლიერ საინტერესოა მისი ნახვა, და-  
თვლიერება, მათი მცხოვრების გაცნობა და მათ  
ზნე-ჩვეულებასა და ადათებზე დაკვირვება.

იადესლაც ლაზისტანი, ანუ „ლაზიკა“, ვიციო  
რომ საქართველოს ნაწილს შეადგენდა. ის ახლაც  
მხოლოდ მეგრულად მოლაპარაკე ხალხითაა დასახ-  
ლებული. მთელი ლაზისტანი წარმოადგენს მთა-  
კლდიან ადგილებს შავი ზღვის პირას, აქვს რამო-



დენისე მისადგომი ზღვიდან, ნავთსადგური კი, ისეთი სიკა გემ-ნავს ზღვაზე შეეძლოს დაბინავება, არსად არა აქვს. თვით ლაზისტანის მცხოვრებნი დიდათ დახელოვნებულნი მეზღვაურები არიან და თან მეთევზენი. არც გასაკვირალია, რადგან თითქმის ყველა ზღვის პირებში და ზღვის მახლობლად: დგანან; აქეთ ქალაქებიც, თუმცა პატარა-პატარა, მაგრამ სუფთა და ლამაზი, აქეთ სასწავლებლები მგჩეთებთან, საცა ბავშვები პირველ დაწყებით წერა-კითხვას სწავლობენ და ყურანიდან სხვა და სხვა სალოცავებს იზებირებენ. სწავლა ყოველკან თათრულ ენაზე სწარმოებს, რადგან ლაზებს სივიანთი წერა-კითხვა არა აქვსთ. ყველა მუსულმანებია და ძლიერ სასტიკადაც ასრულებენ მუსულმანობას. ქალები ლაზისტანში უფრო მორიდებულია კაცის თვალისაგან, ვიდრე კონსტანტინეპოლის და სხვა მუსულმანთა ქვეყნებისა და ქალაქებისა. ზნეობა უმაღლეს წერტილამდის არის დაცული, მთელს ლაზისტანში ვერც ერთს ცუდი ყოველქვეცის ქალს ვერ ნახავთ. ასეთი ზნეობის შედეგი უნდა იყოს უექველად ის საიოცარი მოვლენა, რომ ქალი და კაცი, დიდი და პატარა ყველა ჯანმრთელია, ვერსად, ვერც ქალაქში და ვერც სოფლებში ვერ შეხვდებით ფერ წასულს, ავით მყოფი სახის მქონე ბავშვებს; ისე არიან ჩასკვნილ დასუქებულნი და ძვალ სხვილნი, რომ მათ ნახვას არა სჯობია რა.

საზოგადოდ ლაზები თითქმის ყველა შეძლებულნი. დიდრონი ქვითკირის, ორ ორ სართულიანი სახლები, ბეღელი, ნალია, ჰხორი პირუტყვებისთვის და სხვა საოჯახო შენობები, თითქმის ყველას აქვს. უბრალო სახლს, შუაზე ცეცხლიანს, იშვიათად შეხვდებით. ერთის შეხედვით თქვენ ძლიერ გიკვირთ ეს მოვლენა ასეთ კლდე-ღრიან ადგილებში, საცა არსად საცალფეხო და ზოგან ცხენის გზის მეტს, ვერც საურმეს, ვერც ურემს და გუთან საინის ვერ ნახავთ, ამაზე წარმოდგენაც კი არა აქვთ. დიდ თქვენ გიკვირთ თუ ეს ხალხი, ასე უგზო უქველოდ როგორა ცხოვრობს და რაც უფრო გაყავიკვირებთ—ასე მდიდრად და რივიანად მოწყობილნი როგორ არიანო? მხოლოდ როცა ახლოს გაეცნობით მათ ცხოვრებას, გაიგებთ მათს ქალისა და კაცის, დიდისა და პატარას განუწყვეტელ შრომის მოყვარეობას, თქვენ ადვილად მიხვდებით მიზეზს მათი ასეთი კარგად მოწყობისას. აი როგორ არის მოწყობილი უბრალო გლეხის ოჯახი:

სახლი უექველად ორ სართულიანია და ქვითკირის, ხენარევი; ჯერ ჩაყრიან ქვისს ძირკველს და ამოაშენებენ ქვითკირით. ასე ორ ნახევარ—საპი არშინის სიმალღეხედ, შემდეგ-კი ამაზედ დააშენებენ წაბლის ხის ბალავერებს, ამ ბალავერებზედ დაასობენ ხშირს, ირიბულ სვეტ-ბანდებს, ისე რომ ამ სვეტ ბანდებს შუა რჩება ოთხ კუთხი, ნა

ხევარი არშინის ოდენა ცარიელი ადგილები, ამ ადგილებში კი, ჩააშენებენ ოთხ-კუთხსავე, განგებ გათლილს ქვებს, უფრო რიყისას, და ცემენტით ამოუშენებენ ხოლმე კედლებს; კარ საარკლები წაბლის ხისაგან აქვს ასეთს სახლებს. იატაკ-აივანიც წაბლისაა. დახურული მეტ შემთხვევაში კრამიტითაა, ზოგან ყავრითაც, ამავე სართულში არის მოთავსებული საკუქნაო, სამზარეულო, საღარო და ორი განყოფილება „სალამიკ“—საკაკეო და პარემლიკ—საქალებო. თითო განყოფილება შესდგება ორ, ან სამ და ხან მეტ ოთახიდან. ორის ნაკლები კი იშვიათად არის. მოწყობილი აზიურ გემოვნებაზეა, მაგრამ სუფთად და ლამაზათ, ხალხით და ნოხ-ფარდაგებით, უმეტეს შემთხვევაში შინაურობაში მოქსოვილით. ხელსაქმე საზოგადო ლაზების ცოლებმა და საზოგადოთ ქალებმა საერთოდ ყველამ იცის, ეს იქიდანაც სჩანს, რომ ყოველი კუთხე მათი სახლისა, რადაც ნაკერ-ნაქსოვით არის მოფარდაგებული; მუთაქები, ბალიშები, საბნები და სხვა საოჯახო სამკაულები სულ იუ არა, უმეტეს შემთხვევაში მაინც ქალების ხელსაქმით არის გამოლამაზებული. სასტუმრო ოთახის იატაკი სრულიად მოგებულია, გარშემო მოგებულნივე ტახტია შემოყოლებული, სასტუმრო ოთახის ოთხივე კუთხეში თითო ოთხ კუთხი ლეგი აგია და ირგვლივ მუთაქები აქვს შემომწკრივებული, სარკმლებს ყოველგან ფარდები აქვს. წყალი თითქმის ყველას სახლში აქეთ გამოყვანილი ხელ პირის საბანად და აბანოსთვისაც. უაბანოვო სახლი არ შეიძლება, თუმცა უბრალოდ ხელით სათბობი თუნგით იბანენ ხოლმე ტანსა, მაგრამ მაინც აქვს ყველა სახლს ერთი პატარა ოთახი, საცა ორი კაცი მოთავსდება თავისუფლად და ერთმანეთის საშვლებით ანდა მარტოკაც ტანს დაიბანს ხოლმე. სისუფთავე უმაღლეს წერტილამდის არის აყვანილი, ხელ ფეხ დაუბანელი და პირ გამოურეცხელი არც ქალი არც კაცი, არც დიდი, არც პატარა საწოლში არშევა. საქმელ-სასმელი სუფთაა და გემრიელი, ალაგ ალაგ არაყსაც სვამენ, ღვინო კი არსად არ მოიპოვება, თუმცა ვენახი და ყურძენი საკმაოდ არის. უფრო კი ადვისისა, „ოზაბელა“. მოსახლეს ვერ ნახავთ ისე, რომ ძროხები არ ყავდეთ, ბევრგან თხებიც. ცხვრებიც ჰყავთ, ყველანი მეწველია უექველათ. ხარი კუროს გარდა არ მოიპოვება, ცხენიც ძლიერ იშვიათია, ზოგან ჰყავთ ჯორები, განსაკუთრებით ტვირთისთვის, ქვის და სხვა მძიმე მასალის საზიდავათ. საინტერესოა მათი წყლის საზიდავი მანქანა; სადაც წყალი ახლოს არ არის, იქ აქეთ ერთნაირი ბრენსბერგისებური მავთულები გაბმული, რომელსაც აქვს ზედ მოწყობილი ვედრა, ამ ვედრას აბია ბაწარი, რომელიც არის სწორედ წყლის ტბასთან რგოლში გამოყრილი; ერთის მხრით, გაუშვებენ ამ ვედრას რკინის მავთულზე



და მეორეს მხრით მოსწევინ ბაწრით, ვედრა ნელ-  
ნელა, გინდა ჩქარად ჩაცოცდება ქვემოთ, ამოგს-  
მის ტბაში, გაივსება და წამოვა ზევით, ისე აღვი-  
ლათ, ისე მოხერხებულათ, რომ ცოცა კი გინდა  
ხელათ ცივი ანკარა წყალი შევიძლიათ ამოიტა-  
ნოთ და დალიოთ, ეს შეუძლია ყველას, დიდსაც  
და პატარასაც.

როგორცა ვსთქვით ზემოთ ერთის შეხედვით,  
როცა ხედავთ, ამ ხრიოკ მთა კლდეებთა შორის  
ასეთს მოსახლობას, ასეთს სახლს, ეზოს, ბაღას და  
ყანას, გიკვირთ, მაგრამ შემდეგ კი, სულ ცოტა  
ხნის დაკვირვებისა, თქვენ ძლიერ აღვილად მიხე-  
დებით, რომ იქ საცა ასე თანასწორათ, ასე თავ-  
გამოდებით და მუყაითათ მუშაობს ქალიცა და კა-  
ციც, დიდიცა და პატარაც, საკვირველი აღარა-  
ფერია. ქალი ყველაფერ სამუშაოსი თანასწორია  
კაცთან, როგორც შინაურში, ისე გარეულში რაც,  
კი ოჯახს და მის მიდამოს კი შეეხება; ქალი მუ-  
შაობს ყანაში, ბაღაში, ტყეში, შინ და გარეთ ან  
კაცებთან ერთად, ან მარტო, თუ რომ კაცი სა-  
შოვარზეა, ან სათევზაოა, ან გარე ქვეყნებში;  
საზოგადოდ ლაზები მისდევენ თუთუნის კეთებას,  
მაგრამ თავიანთ ქვეყანაში კი ადგილის სავიწრო-  
ვის გამო იშვიათათ; ისინი მიდიან ამისათვის სო-  
ხუმში. ლაზები ბევრია აგრეთვე სტამბოლში მე-  
ფილუკეებად და სხვა სამსახურში. საზოგადოდ  
ლაზი ძლიერ მუყაითი და გამრჯელია ყოველივე  
სამუშაო საქმეში. ბევრი იმათგანი ვაჭრობა აღე-  
მციემობაშიაც დახელოვნებულია. ლაზი სადაც უნ-  
და იყოს ყველგან თავის ელფერით არის, მას თა-  
ვი მოსწონს თავის ჩამომავლობით, თავის ლაზო-  
ბით და ღირსიც არის როგორც ნამდვილი მეოჯა-  
ხე, ცოლშვილის დიდად, თუმცა კი, თავისებურად,  
პატრვის მცემელი და ნამუსის შემნახავი. იშვიათი  
მოვლენაა ლაზისტანში, რომ ვინმემ ქალს შეეხოს,  
თუ კი,—ის ამ შემთხვევაში ვერას გზით ვერ იცო-  
ცხლებს. ცოლ-ქმრული კავშირი წმინდა ხელუხ-  
ლებელია. თქვენ ხშირად ხედავთ შვა-გულო ტყე-  
ში. ხრიოკი მთის ფრიალოში, ყანაში თოხით მო-  
მუშავე მარტოცა ახალგაზდა ქალს, ეს ქალი იქ  
ღამესაც ათევს ხოლმე, მაგრამ ხელის შეხებასაც  
კი ვერ ვინ გაბედავს, და თვით ქალიც ისეა აღზრ-  
დილი, რომ ის მხოლოდ თავის ქმრის ნამდვილი  
ამხანაგია და სხვის წინაშე ის უეჭველად თავს წმინ-  
დათ იცავს. ქალი მუშაობს უმეტეს შემთხვევაში  
შინ და გარეთ, მაგრამ არ იფიქროთ, თუ ამ დროს  
კაცი უსაქმოთ არის, არა, იგიც უეჭველად საქმე-  
ზეა, მხოლოდ ერთი ჩვეულება კი, პირველ დანა-  
ხვანზე თვალს ძლიერ ეჩოთირება, ეს ის არის, რომ  
ხშირად შეხედვებით ახალგაზდა ყმაწვილს თოფ-ია-  
რალით ხელში, ყანის ქიშკართან დგას და ქა-  
ლები ჭირნახულს ეზიდებიან და ან ზურგით სავსე  
ქალს წინ მიუძღვის და ქალიაქში მიდიან. კაცი წინ

მიდის და ქალი დატვირთული უკან მისდევს, მხო-  
ლოდ ამასაც თავისი მიზეზი ჰქონებია და აი რა:  
საზოგადოდ ლაზებში სასტიკ ჩვეულებად არის გა-  
დაქცეული სისხლის აღება და ამიტომაც, რაკი  
მუსულმანი საერთოდ და ლაზი კი განსაკუთრებით  
ქალს ხელს არ ახლებს არც სასიკვდილოდ, არც  
გასამარცხავად და არც ისე, ამიტომ თვით ქა-  
ლებში განვითარებულია ისეთი წესი, რომელიც  
ავალეებს ყმაწვილ კაცებს, მით უმეტეს თუ მტე-  
რიც ჰყავს; ტვირთი ზურგში ისეთი მანც  
არ აიღოს, რომელიც ხელს შეუშლის ან გა-  
ქცევაში, ან იარაღის ხმარების დროს. ეს ჩვეუ-  
ლება იმდენად დამკვიდრებულია ქალების სა-  
ერთოდ და ქალიშვილების სულსა და გულში გან-  
საკუთრებით, რომ თუ ქალმა ყმაწვილი კაცი გო-  
დრით დატვირთული და მეტადრე უიარაღოთ ნა-  
ხა, ის მას აღარ წაჰყვება ცოლად. „რას ვარგა, არც  
მტერი ყოლია და არც ვაჟკაცი დელაყანტი ყა-  
ფილა, თვარა გოდრის ზურგში აკიდვას ვინ  
დააცილიდაო.“

საზოგადოდ ლაზისტანი, როგორცა ვსთქვით  
მთიანი ადგილია. შავი ზღვის პირებზე დასახლე-  
ბული. ზღვის პირიდან, თვით უმაღლეს მთის წვე-  
რვალეებამდის სულ შეფერდებაა, ღელე-მდინარე-  
ება აუარებელი აქ ს. მთელი ლაზიკის ზღვის პირი  
სოფელი სარფიდან.—(რუსეთის საზღვარშია). რი-  
ზემდის იქნება ორას ვერსამდის. ყველა სო-  
ფლებს, რომლებიც მხოლოდ მდინარეების ორი-  
ვე პირებში და მის ახლო მახლოში არიან გაშე-  
ნებული აქეს თავისი მისადგომი შავი ზღვიდან საი-  
დანაც ეს სოფლები თავ თავიანთ პატარა და დიდ—  
ნავ გემებით დადიან ხოლმე ერთს ადგილიდან მე-  
ორეში—ბათომში, რიზეში, ტრაპიზონში და სხვა.  
სიგანით კი ლაზისტანი შავი ზღვის პირიდან ლა-  
ზისტანის ხმელეთ საზღვრამდის „დაღასტამდის“  
(დიდ მაღალ მთას ჰქვია) იქნება ზოგან 80 და  
ზოგანაც 50, 60 ვერსამდის, თვით დაღასტის ქე-  
დამდის კი ზოგან ასი და მეტი ვერსიც არის.  
ლაზისტანს ერთი მხრით საზღვრავს შავი ზღვა; მე-  
ორეს მხრით „დაღასტი“ დაემშინები. (ერაზმის  
მოდგმა მუსულმანებისა, რომლებიც სახლობენ ლა-  
ზისტანის თავზე დაღასტის მთის ფერდო მინდორ-  
ველებში. ესენი თითქმის ყველანი მოვაჭრე-მეფუ-  
რნეები არიან, ყირიმში და ოდესა—სეფოსტოპოლის  
მიდამოებში, ძლიერ მშვიდი ხალხია და წყნარი,  
ბევრჯერ მომხდარა რომ საშოვარიდან დაბრუნე-  
ბული ორმოც-სამოცი ეშმინი ერთად გაუცარცავს  
ორ-სამ ლაზს. ამბობენ რომ ამათი ძველი სომხე-  
ბიდან გამუსულმანებულნი არიანო).

რუსეთის ნაწილში ლაზები სულ იქნება არა-  
უმეტეს ათასი კომლისა, ასე 5,000 სულამდის.  
შავი ზღვის პირზე, ბათუმიდან ორი სამი საათის  
გზაზე. აი ლაზისტანის ზღვის პირების სახელებიც,



სადაც ნავეები აქვთ და შესავალ გამოსავალი ზღვა-  
ზედ--რუსის საზღვრამდის: სართი, მაკრიალი და  
კოფიში. აქ არის რუსეთის საზღვარი ანუ თათ-  
რულად „კარდანი“. შემდეგ იწყება ოსმალეთის  
სამფლობელო; აბუისლად, პატარა სოფელია თავის  
ნავთ მისადგომ-გამოსასვლელით, ამ სოფლის მკვი-  
დრნი მხოლოდ ვაჭრობითა და მეთევზეობით ცხო-  
ვრობენ და გარედან საშოვართ, ადგილი და სა-  
თესი მიწა ძლიერ ცოტა აქვსთ, ზოგან ცოტა ზე-  
თის ხილიც მოდის; თვითონ ლაზისტანი, გარდა  
მკირედის, სანახევროდ საყოფი მქადი და ღომისა  
და ხილის მეტს არასფერს საბაზროს არ იძლევა,  
მხოლოდ მადნეული კი, როგორც ამ ბოლო დროს  
ირკვევა, სპილენძი და ცინკი, ზოგან მარგანეციც  
მოიპოვება ხოლმე, რომელსაც მხოლოდ ამ ბოლო  
დროს, ოსმალეთში კონსტიტუციის შემოღებიდან  
მიაქციეს ყურადღება და ორმოცდა-ათამდის „ზა-  
იავკებიც“ იყო გაკეთებული. იმდენად დიდად სა-  
იმედო ნიშნები სჩანს, ზოგან მაინც; რომ უმკვე-  
ლად ლაზისტანის მთის კალთები დიდ კაპიტალს  
მიიზიდავს სულ ახლო მომავალში, რის მეოხები-  
თაც, ისიც კარგად შეძლებული ლაზები, ძლიერ  
კარგად გაიმართავენ ხელს და ფულსაც მოიგებენ,  
როგორც შრომის მოყვარე ხალხი. ლაზს, რო-  
გორცა ვსთქვით, ყოველგან თავისი ელფერი აქვს.  
მას უმაღლეს წერტილამდის უყვარს თავისი კლდე-  
ღრიანი სამშობლო და საქმით გვეუბნებიან იგინი  
მგონის ნაუკვამს: „არ გავცელი სალსა კლდეებსა  
უკვდავებისა ზეზედა“ო. ის თავდაპირველად ლაზია,  
შემდეგ მუსულმანი და ბოლოს კი ოტომანის იმ-  
პერიის წევრი. შენ რომ მას თურქი-თათარი და-  
უძახო, ამით აწყენებ. (აბუ ისლადიდან იწყება,  
ხოფა, ოსმალეთის სამაზრო ქალაქია, ეს ქალაქი  
ზღვის პირას არის გაშენებული და გაივრდება სა-  
მათ: „ბუჯაეზოფე, „ართახოფე“ და „ასლიზოფე“.  
აქედან კი იწყება ნავთ მისადგომ-გამოსავალი პა-  
ტარ პატარა ადგილები, სოფლები და ქალაქები,  
ერთი მეორიდან ასე თითო ან ნახევარი საათის  
გზაზედ ზღვით: კისე, პერონტი, (აქ მარგენიცის  
მადანია, რომელსაც ევროპელები ამუშავენ.  
მოცხორე, კონცივე, სუმლე, აბუ, ვიწე, არტა-  
შენი, დელე, ესკი ტრაპიზონ, ბულეთი, ათინა,  
ლაზოს, კელეკ, ზალეკ, ქემერ, (აქ კი თავდება  
კავკასიის საზღვარი და იწყება მკირე ასია. შემ-  
დეგ ცოტაზე კიდევ გადადის ლაზისტანი, მამუდ,  
მაფაურ, იაკა, არკოტი, ოდრი, ჰემიდიე, ჰუმბრუკ,  
ჰაიდოზ და რიზე. რიზე კარგა მოზდილი ქალაქია,  
აქ ზის ლაზისტანის გუბერნატორი.

მთელ ლაზისტანში იშვიათად იპოვნივთ სხვა-  
გვარის მცხოვრებს, მხოლოდ ლაზები არიან, რო-  
მლებიც იმდენად გასაგებად ლაპარაკობენ, მათს  
ენას მეგრულს, რო სულ მკირედის ყურადღებით  
ყოველ მეგრულს შეუძლია მიხედეს და ილაპარა-

კოს მათთან თავისუფლად. საკვირველი ის არის,  
როგორ შეინახა, ამ მწიგნობრობის უქონო ხალხმა  
ასე ხანგრძლივად ოსმალეთის ხელში თავისი ენა.  
მაგრამ რომ კაცი კარგად დაუყვირდეს მათს პატ-  
რიარხალურს ცხოვრებას, არც ეს არის საკვირვე-  
ლი. ლაზი იშვიათად შეირთავს სხვა გვარის ქალს.  
ის არის მკიდროდ დასახლებული ერთსა და იმავე  
ადგილას. არა მგონია, რომელიმე კავკასიის ეროვ-  
ნებას ასე მტკიცედ ჰქონდეს შენახული თავისი  
„ტერიტორია“ როგორც ლაზებს, ენაც სწორეთ  
ამიტომ შერჩათ ასე გაურყვენლად, რომ ოჯახში  
ყოველთვის ლაზურად-მეგრულად ლაპარაკობენ,  
ბავშვები კი მაინც, შკოლაში წასვლამდის, სხვა  
ენას ვერ გაიგონებენ გარდა ლაზურისა, ქალებმა  
მხოლოდ ეს ენა იციან.

მთელი ლაზისტანის მცხოვრებნი არის დღემ-  
დის ცნობილის ოსმალეთის სტატისტიკის მიხედ-  
ვით 200 ათას სულამდის, მათი ქვეყანა სრულად  
ხელუხლებელია, ერთი მეორესთან მკიდროდ და-  
კავშირებული, აქა იქ ქალაქებში თუ სადმე ნახავ  
ბერძენებს, მოვაჭრე მეფურნეებს ან მკედლებს და  
ისიც უფრო რიზის ახლო მახლოში ქემერს იქით.  
ურიები და სომხები ლაზისტანში სრულიად არ  
არის.

მთელი ლაზისტანი წარმოადგენს ერთს მკი-  
დროდ დასახლებულ ეროვნებას, ერთის ენით და  
ერთის სჯულით. ყოველგან და ყოველთვის იგინი  
ერთად არიან.

შესაძლებელია მოსისხლე მტერი იყოს ლაზი  
თავის მეზობლის, მხოლოდ თუ მათ სოფელს, ანუ  
საერთოდ ლაზისტანს რომ საფრთხე მოეღოს, აქ კი,  
ერთმანერთის შურსა და მტრობას ადგილი აღარა  
აქვს, ყველა ერთად ეკვეთებიან მტერს. ლაზისტა-  
ნის ჯარი ოსმალეთში ერთ საუკეთესო მეომრებად  
ითვლება. საქიროების დროს ლაზებს შეუძლიათ  
მტრის წინააღმდეგ ორმოცდა-ათი-ათასი კარგად  
გამოცდილი მეომარი დაუყენოს. 12 წლიდან 60  
წლამდე ლაზი იარაღს ხელიდან არ დაავდებს, ხმა-  
რებაც კარგად იცის. არა მგონია კიდევ იყოს სადმე,  
კავკასიაში მაინც ასეთი ხელ უხლებელი „ტერაქო-  
რია“ და საოცარი „ერთობა“.

აახე რაჭველა.



# ჰანგები.

5

შენ გახდი ჩემი სასტიკი მტერი,  
 პირში მიმეცი მკაცრსა გამოზასა;  
 ბოლოს მომიღე გულსა მახვილი,  
 არ დაერიდე უღმობლობასა,  
 ხომ აღისრულე გულის წაღილი,  
 მითხარი ახლა რაღა გატირებს?!  
 ვაი, ჩემს იქით ჰქდავ სიობლეს,  
 ღრმად შეცდომასა და მწარე ფიქრებს.

6.

ჩემს გულში სცხოვრობს მწარე ნაღველი,  
 ვით მღუმარ ტყეში სასტიკი გველი;  
 აქ ჰპოვა ბინა მან სამარადო,  
 იგია ჩემთან აწ განუყრელი.  
 და, როს ბუღბუღი ჩემს გულში ღამ-ღამ  
 სიყვარულს კენესით ეძახის, უხმობს,—  
 ნაღველი მკაცრად მიუგებს ხოლმე:  
 „ის აქ სცხოვრობდა და აღარ სცხოვრობს!“


7.

დაგშორდი, მაგრამ დაობლებული  
 მრავალ ჯერ უკან ვიხედებოდი;  
 გული მწუხარე შენ გიგონებდა  
 და მე საბრალო მწარედ ვკენესოდი.  
 მორჩა... შთაინთქა იგი ლაყვარდიც,  
 რომლის ქვეშ შენი კოცნით ვსტებებოდი,  
 სად ბედნიერი შენ გიგალობდი,—  
 მაგრამ დაგშორდი და მარად მოგწყდი...  
 რაღა ვეძიო? იგიც დავკარგე,  
 რაც იყო ქვეყნად ჩემი იმედი!  
 თურმე აღერსი და ჩვენი ტრფობა  
 გაწყრისა იყო წინამორბედი.

8.

რა წამს დაგშორდი, მწარეთ დავღონდი,  
 სევდა ეწვია საბრალო გულსა,  
 შენმა ფიქრებმა სულ დამადუნეს,  
 წამერთო ღზენა დაობლებულსა.  
 თუ აგრე მალე გამშორდებოდი,  
 რათ შთამინერგე გულს სიყვარული?..  
 მაგრამ ერთს გეტყვი უკანასკნელად:  
 ერთი მქონდა და ერთს გიძღვევ გული.

## ი. მჭედლიშვილი



### ძინაური ძიძოხილვა.

ქართველთა შორის წერა-კითხვის გამავრცელებელ საზოგადოების უკანასკნელმა კრებამ მეტად საგულისხმეო გადაწყვეტილება მიიღო—რაც შეეძლება, მალე აიგოს მუზეუმი. ამ საგნის შესახებ

ბევრი თქმულა და დაწერილა, რომ დღეს ვინც ქართული წერა-კითხვა იცის და საზოგადოდ ესმის ჩვენი კულტურული წინსვლის საქმე, მისთვის ნათელი უნდა იყოს, თუ რაოდენად საჭიროა ძველ კულტურულ ნაშთებს შესაფერი ბინა მოუპოვოთ. ხოლო თუ მუზეუმის აგებას აქამდე ბოლო არ მიეცა, ეს ჩვენი უსახსრობის და დაუდევრობის ბრალია. საქმეს არ ჰყავდა შესაფერი ხელმძღვანელი, რომელსაც თავის მოღვაწეობის მიზნად დაესახა ეროვნულ მუზეუმის აგება და მოუსვენრად დღე და ღამ მუშაობას, ხალხის ჩაგონებით და წაქეზებით საყოველთაო წაღილი განებორციელება. კრებამ აგებაც გადაწყვიტა და საამშენებლო კომისიაც აირჩია. ამ კომისიას ბევრი სამძიმო საქმე ექნება: თანხის შეგროვება, ადგილის არჩევა და შექმნა და სხვა. თანხის შესაგროვებლათ კრებამ სხვათა შორის გადასწყვიტა საყოველთაო ხელის მოწერა გამართოს. იმედია ამ გადაწყვეტილებას ჯეროვანი ყურადღებით მიეგებებიან როგორც კერძო პირნი, ისე საზოგადოებრივი დაწესებულებანი და ამით გავეცდვილებენ ერთის საშვილიშვილო საქმის დაგვირგვინებას.

\* \* \*

გაზეთ „დროებას“ გაუგის, რომ ტფილისის თვალ-აზნაურთა სადგებუტატო საკრებულოს გადაწყვეტია ათასი მანეთით დახმარება აღმოუჩინოს რუსულ გაზეთს „ზაკავკაზიეს“. ჩვენ არ მივაქცევდით ყურადღებას ამ ფაქტს, რომ არ იყოს საზოგადო მისწრაფების გამოძღვანება და ჩვენ საზოგადოებრივ ძალთა უკუღმართად მსვლელობის შედეგი. გადაგვარებამ, დაუძღურებამ და თავის თავის უპატივცემულობამ და უიმედობამ ჩვენს ნასწავლ ხალხში შექმნა ერთნაირი მიმდინარეობა—თავის ძალთა უარყოფა და სხვის წინაშე წრეს გადასული ფორთხვა,—მოდით, შეგვიბრალეთ და გვიშველოთო. რასაკვირველია, სასტიკ ბრძოლაში ჩვენს მშველელად არავინ გამოსულა, ხოლო ჩვენს მუდარას ჩვენი დამცირების მეტი არაფერი შედეგი მოჰყვა. ასი წლის გამოცდილებამ საკმაოდ აუხილა თვალი ჩვენი საზოგადოების შეგნებულს ნაწილს და აშკარად დაანახვა, თუ რა შემცდარს გზას ადგა აქამდის. მაგრამ ჩვენში ჯერ კიდევ ბევრი დარჩა, რომელთაც ძველი გზით სიარული არ მოიშალეს და თავისივე სუსტი ძალ-ღონით თავის გამანადგურებელ ძალებს ჰკვებავენ და ხელს უწყობენ. ამ მისწრაფების ერთი შედეგთაგანია ტფილისში საკუთარ რუსულ გაზეთის ქონება. ჩვენ კარგად ვიცით, თუ რა გონებრივი ავლადიდება მოიპოვება ტფილისის გაზეთებში, ისიც ცხადია თვალ-ხილულთათვის, რომ ამ გაზეთებში ქართველებს საჭირობოროტო საკითხებზე არაფერი, თითქმის არაფერი იწერება, მაგრამ მაინც ძველ გზისთვის ვერ უღალატნიათ და იმის მაგიერ, რომ თავის საკუთარ,



ოდესღაც აყვავებულ და დღეს დასუსტებულ ქართულ ლიტერატურას ხელი შეუწყონ, მაინც სხვას ეპოტინებიან. და ამ დამლუბველმა მისწრაფებამ იმდენად დააქუცმაცა ქართული საზოგადოება, რომ ჩვენ არ შეგვიძლია ერთი სერიოზულად მოწყობილი გაზეთი ვაბოგინოთ, ვერ შევსძელით რამდენიმე მწერალი ისეთ პირობებში ჩაგვეყენებინა, რომ ლიტერატურული შრომით ეცხოვრათ და მთელი თავისი ღონე მარტო ლიტერატურასთვის შეეწირათ. ამიტომაც, რადგან ჩვენ ჩვენივე ცხოვრებას ნაკლებად ვიცნობთ, ვერ გავგივალისწინებია ჩვენი მდგომარეობა, ვერ შეგვისწავლია საფუძვლიანათ ვერც ერთი დარგი ჩვენი არსებობისა და სადაც თვალიხილულობაა საქირო, იქ სიბრძნევეს ვიჩენთ. და ამ დროს, როცა მთელი ჩვენი ძალ-ღონე უნდა მოვიკრიბოთ, რომ საქმეს უშველოდ და საკუთარ ფეხზე დავდგეთ, ჩვენი საზოგადოებრივი დაწესებულება განზე დგება და თავისი გამხნევეებით, ზნეობრივი და ქონებრივი დახმარებით ასაზრდოებს და აძლიერებს ჩვენ წინააღმდეგ მომართულ ძალებს, ნუ თუ ასეთ მიმდინარეობას დასასრული არ უნდა ჰქონდეს?

\* \* \*

გაზეთ „დროებაში“ მოთავსებულია მეტად საფუძვლიანი წერილი იმის შესახებ, თუ რა უჯდება სოფელს მთავრობის მამასახლისთა შენახვა. ჩვენ არა ერთხელ აღგვნიშნავს, რომ ჩვენში არსად არ მიუღწევია პატარა მოხელეების აღვირ წახსნილობას იმ წერტილამდე, როგორც ქართლში. ყოველ ნაბიჯზე გლეხის ინტერესები იქელება, მას არბევენ, ატყუებენ, ერთს ორად ახდევინებენ, მის სასოფლო სამმართველოშიაც ქართულ ენას არ აყენებენ, მას არაფერში ენდობიან და მის გამგეთ თავზე ხელაღეულ ხალხს იწვევენ. გასძვრა გლეხს ტყავი, მაგრამ შეველა რომ არსაიდან არის?

\* \* \*

გაზეთი „მომავალი“ გადმოგვცემს, რომ სოფელ ქვამლაში, რომელიც აჭარა-გურუის საზღვარზეა, დაუარსებიათ სამისიონერო სკოლა. ეს მოვლენა არა სასურველია ჩვენთვის. ჩვენ კარგად ვიცით პოლიტიკურ პირობების გამო სარწმუნოებრივმა სხვადასხვაობამ რა ზიანი მიაყენა ქართველობას, რომლის მესამედი ოსმალეთში გადაიხვეწა. ეხლაც მუსულმანი ქართველობა დიდის ექვის თვალით უყურებს ყოველივე ნაბიჯს მისიონერებთა და სულ იმის შიშშია, ძალა არ დაგვატანოს და სარწმუნოება არ გამოგვაცვლევინოსო. ეს შიში უბრალო ხალხში იმდენად ძლიერია, რომ ხშირად ის თავის ვინაობასაც მალავს და ქართველობას უარჰყოფს. ასეთ მდგომარეობაში მცირედი ცდაც საკმარისია, რომ ქართველების მტრებს საშვალეობა მიეცეთ ხალხში არსებული ეჭვი გააზვიადონ და მუსულმან და ქრისტიან ქართველთა შორის მტრობა ჩამოაგდონ. ამიტომაც მთელი ჩვენი მეცადინეობა

იქითკენ უნდა იყოს მიმართული, რომ სარწმუნოება ნეიტრალად გავხადოთ, პატივისცემით მოვეპყრად ერთმანეთს და ვეცადოთ ის ნდობა აღვადგინოთ მაჰმადიან ქართველთა შორის, რომელიც დავკარგეთ მას შემდეგ, რაც ჩრდილოეთისკენ ცქერა დავიწყეთ.

### სულნი თანაზიარნი

შ ე ლ ის ა

მე, ვითა სული, იმის გულში ვიმყოფებოდი, როგორც ყვავილი ნიაფისგან, ვთროდი, ვდნებოდი. მისა გულის თქმას იღუმალოსა ყური მოვკარი და მუნ ვიბოვე მისი სულის უმანკო კარი. რაიც არ ეთქვა და რაც ჰქონდა გულში ფარულად, ჩემის სულითა გავიგონე, ვიგოძენი სრულად. მთელი ბუნება და ქვეყანა მეც შევიყვარე, როგორადაც რომ მას უყვარდა ყოველი მხარე. მე იმის გულში წყარო ვბოვე ნეტარ ხმებითა და მას მივეცი ჩემი თავი დავიწყებითა. ამ უხვს ნაკადულს სიცოცხლისას ქვეყანა ვწურავ, შიგა ვბინაობ მე მუდამ ჟამს და შიგა ვცურავ. თან ცაში ვფრინავ, ვით არწივი მძლავრი ფთვებითა; გარშემორტყმული ნაცნობ ნისლით და ღრუბლებითა.

რ. ბებიაშვილი.

მოკლე მიმოხილვა ქართულ მწერლობისა უძველეს დროიდან.

### მოძრაობის ხანა.

VI

რომ ჯერ კიდევ მე-V საუკ. საქართველოში წირვა-ლოცვა სწარმოებდა ქართულ ენაზე, ამას მოწმობს მოთხრობა წმ. საბაზე (ხალესტინაში დაარსა მონასტერი) და მისი თანამედროვე და მეზობელი—წმ. თეოდოსიაზე. ამ მოთხრობიდან ხჩანს, რომ ქართველები და სომხები მონასტერში წირვა-ლოცვას ასრულებდნენ თავიანთ სამშობლო ენაზე. წმ. თეოდოსეს ჰქონდა მონასტერში საეკლესიო წიგნები სამს ენაზე სამი კრას ბერებისათვის, რომლებიც მადიდებდნენ მასთან ლოცვა-კურთხევის და დარბების მისაღებად: ბერძნებისათვის, სომხებისათვის და ქართველებისათვის (იხ. პ. იოსელიანი: „Описание древн. г. Тифл.-“, გვ. 153; „История св. града Иерусалима“, წ. I. გვ. 176—177.)

მეხუთე საუკუნიდან მეათეუდეა, როგორც ვიცით სარწმუნოა ისტორიულ წყაროებიდან, გადაითარგმნა ქართულად არამც თუ საეკლესიო და საღმრთაო წიგნები



არამედ ბუერი წმინდა მამების ქმნილებანიც. (იხ. ზრ. ცაგარელი: „Свѣдѣнія“ .., გვ. XXVI, 16). მაგრამ კითხვა იბადება: თუ საქართველოში XI სუკ. კადათარ-კმნილი იყო უკუღას სკეკუსიო წიგნები და სდმროთ წურილი, მაშინ რას სკირო იყო მათი ხელმეორედ თარ-კმნა და რისთვის დასდკეს ექვთიმემ და გიორგი მთაწმ. ეკოდენი შრომა და ჯათა ხელმეორედ წიგნების თარკ-მნას? და თუ წმ. ექვთიმემ და გიორგიმ არამედ თუ მე-ტად, არამედუსკიროსუდაც კი სცნეს ხელახლად წიგნები სთარკმნა, მაშ რა გარამოებამ აიძულა ისინი?

უმთავრესი მიზეზი ხელმეორედ თარკმნის სსკი-როებისა იყო ქართულ წიგნების გაფუჭება, გარყვნა. ზო-გიერთი წიგნები ფუჭდებოდა კადამწერლების უუურად-ღებობით და უმეცრებით; ზოგს კი განძრახ, მოფიქრებულად აფუჭებდნენ (იხ. ბაქრაძე „Древ. вар. груз. четвер.“, Труды V ар. с., გვ. 218—220; მისივე „Статья по истории и древ Грузии“, გვ. 32—33; სპინინი „საქ. სამოთ.“, გვ. 487—488).

სადრებოში ერთგვარი კითხვის დასამყარებლად და შეცდომების გასაწორებლად აუცილებლად სსკირო იყო კადათავადიერება უკუღას ქართულ წიგნების თარკმნისა და შედარება ბერძნულ დედანთან.

ცნობილი მდღავწე გიორგი დაუდებელი, როდესაც ურჩევდა გიორგი მთაწმინდელს წასუღიეო ათონზე, ასე ეუბნებოდა მას: „დღემდა ჩყინი სმშობლო (საქართველო) ინახავდა შეურყეველად სარწმუნოებას, რჯულს და შეუმწიკველად ჭქრდა სდმროთ წიგნები. დღეს კი, რადგანაც საქართველო დამორებული არის საბერძნეთს, მასში აგრელებენ სომხები თვისს შეცდომილებას და წიგნებს, რომლებიც ითარკმნებან მათი ცდომილების შე-საფერად (იხ. სპინინი „Полное ознн. св. груз. пер.“, წ. II, გვ. 170; მისივე საქ. სამოთ.“ გვ. 477). რომ სომხების წინასწარმოფიქრებით რეჟინდნენ ქართულ წიგნებს, ამასი არავითარი ეჭვი არ არის. ცნო-ბილია, რომ სსყებით სმდგდელყოება ეოკეიეო დონის-ძიებას ხმარობდა ჩყითრია ქართველები თვისი სარწმუ-ნობეოვ ცდომილებასში. ამას ხელს უწყობდა საქართვე-ლოს სსკეკუსიო და ზოლიტიკურ საქმეებს არეგ-დარეგარ. მიუთითებთ, როგორც მაგალითზე, ქსანის და ურბნისის სსხარებებზე, რომლებიც არეკლოვ ბ.ქრადემ 1881 წ. აღმოაჩინა. „ეჭვს გარეშე, ამბობს ზეტივერეშული ისტო-რიკოსი, მათი დრმა სიძეეე. ორივე სსხარება დაწე-რილია ასომთავრულ სსკეკუსიო აღფავიტიო. სსზოკა-დოთ უნდა შევნიშნოთ, რომ ამ აღფავიტიო იწერებოდა წიგნები მსოლოდ მეათე სსუეეეში; მე-XI სსუე მთელს საქართველოში ასომთავრული აღფავიტი უმეუბდებულ იქმნა და გავრცელდა უფრო აღფელი ჩქარწერა. (იხ. „Труды V ар. вь Тифл. сѣнѣ, 1881, გვ. 216—217). სსვათა შორის, ბაქრადის სიტყვით, ასეთს ძველს ხსხარებასაც კი ეტყობა გავლენა სდმხურის ენისა და სდმხურ სარწმუნობებოვ რწმენა-შესედულბობისა. ბ. ის-ტორიკოსის შეუღარებაა ეს სსხარებები გიორგი მთაწმინ-დელის თარკმნისა და აღმოჩენილს, რომ სსმივე სს-

სარება ცალ ცალკე თარკმანი ეოფილას; და სსმივე დიდათ განსხვავდებაან ერთმანეთისაგან; უძველესად კი უნდა ჩა-თვალდს ქსანის და ურბნისის — სომხებისაგან დაშვე-ბულნი.

აბლად დამკვიდრეულა და ჭაბუკი საქართველოს ეკლესიას და მისი წარმომადგენლები გულმოდგინებით იც ვლნენ სდმროთ წიგნებს გარყვნა-დაშკებისაგან და მავრად ამხილებდნენ სომხებს სარწმუნობებოვ ცდომი-ლებასათვის. 1) მაგრამ ქართველებმა მაინც ვერ შესძლეს არც აცდენა და არც მოშორება-განყენება სდმროთ ტაქ-სტიას გაფუჭებისა, რადგანაც აბა ვას შეეძლო გამუღმე ბოთ თვალუერი ედევნებისა კადამწერლების და არა-სკი-ზე შემსწორებლების თვითნებობისათვის!

რათა სსმუდამოდ ბოლო მოდებოდა სდმროთ ტექს-ტის შეღახვას და განსხვავებას, წმ. გიორგი მთაწმინ-დელმა, დრმად განათლებულმა და ზედ მიწვენიო მცოდ-ნე ბერძნულის ენისამ, კადათავადიერა უკუღას არსებული თარკმანი ქართულს ენაზე და შესაწორა მართალ ბერძ-ნულ ტექსტის მიხედვით. იასდაუდებელი დვა წლი ათონის მ.შათა (იოანესი, ექვთიმე, უმთავრესად კი გიორგი) იმაში კი არ მდგომარეობს, რომ მათ გა-დასთარკმნეს, ან, უკოთ რომ ვსოქვათ, დაათავრეს თარ-კმნა სდმროთ წიგნებისა ქართულს ენაზე, არამედ იბა-ში, რომ მათ: ა) საქართველოს ეკლესიას მათმორეს ან-ტიოქის ზატრიარქიის ზედ-გაკლესას და დაუსალოკეს კონსტანტინეზოლელს, ე. ი. შემოადეს ამ ზატრიარქიას წირვა-ლოცვის წეს-რიგი; ბ) შესაწორეს ქართული თ.რ-გმანი სდმროთ წიგნებისა (წინეთ სირიულ და ებდა ელურ ენებიდგან ნათარკმნი) ბერძნულ ტექსტის მიხედვით და გ) მისზეს ზოკიერთი ეკლესიური ჩყეულებანი და კახ-წესებანი, რომლებიც არჩევდნენ ქართულს ეკლესიას სსვა ეკლესიებიდგან. ასეთი დიდმნიშვნელოვანი რეფორმა, როგორც ვიცით ისტორიიდან, მოხდა ბუნებრივად, ძალდაუტანებლად. ამ რეფორმებისა გამო საქართველოს ეკლესიასში არ მომხდარა არავითარი უთანხმოება, მუღლი შეჰობრება-შეტაკება, არ დაბადებულა, არ შექმნილა ისეთი განსეთქილება (раскол), როგორც მოხდა რე-სეთის ეკლესიასში.

ასეთი სსკეკუსიო რეფორმების ისტორიასში თი თქმის უმაცალითო ფაქტი, — ფაქტი მთელი ქართველუ-ბის ერთსულობისა და სრული სოლოდარობისა — აისსნება მსოლოდ იმ შესანიშნავ ტაქტიოთ და აღმოაჩინას სულის დრმა ცოდნიოთ, რომელიც გამოიჩინეს ჩვენმა რეფორმა-ტორებმა ამ ზასუსსავებ საქმეში.

რადგანაც დრმად დარწმუნებული იყვნენ იმაში რომ, ძალად მიარა და თავზე მოხვევა რისიც გინდა იუოს, არას დროს მიზანს ვერ აღწევს, ამანთვის ჩვენმა რე-ფორმატორებმა აიჩინეს გზა თავისუფალ არჩევისა და თანხმობისა და, მართლაც, ბრწეინვალით აასრულეს დაწ-ეუბული საქმე. აი, მაგალითად, რას სსხით და რას კი-

1) ამის შესახებ ვრცლად იხ. სპინინი: „История груз церк“ .. გვ. 113—184).



ლოთი აძლევდა გიორგი მთაწმიდელს საქართველოს ეკლესიას და ხელს წინადადებას მადლოთ ახალი კონსტანტინეპოლის წესდებულება: „ქართველებს წინეთ ჰქონდა სხვა წეს-დებულება. ეს ჩემი კი კონსტანტინეპოლელი წესდებულებაა: ამისათვის გაძლევთ ასარჩევად: ვისაც რომელი წეს-დებულება მოეწონება, დეე მას მისიდას— ბერძნულს ანუ იერუსალიმელს“. (იხ. თ. ჟორდანიას „ქრთნიკები“, წ. I, გვ. 121).

რასაკვირველია, ასეთი განიერულ და სუფერქულად და შეგნებულად დაწუებული საქმე დაზურკალულად მალე დაგვირგვინდა. ქართველებმა (მომეტებულად სამღვდელოებამ) შეადარეს ერთმანეთს ეს ორი წეს-დებულება (ხინსი—ძველი და კონსტანტინეპოლელი—ახალი) და მიიღეს ნებაყოფლობით უკანს-კნელი, რადგანაც ის აღმოჩნდა უკეთესი. მართლაც, ეს

რეფორმა მიღებულ-შეთვისებულ იქნა თანდათან და არა ერთბაშით. როგორც ხინსი ჩვენდამი მოდწუეულ ისტორიულ დოკუმენტებიდან<sup>2)</sup>, ძველი წეს-რიგი რამდენიმე ხინსი აქა-იქ კიდევ იყო ხმარებაში და უადა მომხრეებიც. მაგრამ მე-XII საუკ. ბოლოს და მე-XIII ს. დასაწყისში ძველი წეს-რიგი განემოყუათა ბუნებრივ მსვლელობის შედეგით სრულად გამოვიდა ხმარებიდან.

იპ. ვართავაძე.

<sup>2)</sup> გელათის, მოქვის, ცაიშის, მარტვილის საყდრების წეს-დებულებებიდან, იხ. თ. ჟორდანიას „ქრთნიკები“, წ. I, გვ. 112.

რედაქტორ-გამომცემელი სვ. ყიფიანი.

ყოველ დღიური საპოლიტიკო და სალიტერატურო გაზეთი

# == დ რ თ ე ბ ა ==

მიიღება ხელის მოწერა 1910 წლისათვის. მომავალ 1910 წელს გაზეთი „დროება“ გამოვა იმავე პროგრამით, როგორც 1909 წ. გამოდიოდა.

ყოველ დღიურ გამოცემას გარდა 1910 წელსაც გაზეთს ექნება **საქართველიანთა დამატება** დამატება გამოვა კვირაობით. გაზეთის ფასი: წლით, როგორც ქალაქში ისე ქალაქ-გარედ 8 მან. და 50 კ. ნახევარი წლით 4 მ. და 80 კ., ერთი თვით 80 კაპ. (1 მანეთის მაგიერ). საზღვარ გარედ 12 მამეთი.

ცალკე ნომერი ყველგან ერთ შაურად. **==** დამატებიანი ნომერი (კვირისა) შვიდ კაპეიკად აღრესის გამოსაკვლეელი ფასი 40 კაპ.

1910 წლიურ ხელის მოწერლებს დაურიგდებათ კედლის კალენდარი, კვირეულის ფურცლებით ტფილისში ხელის მოწერა მიიღება „დროების“ კანტორაში და წერა-კითხვის საზოგ. წიგნის აღაზიში ი. ავალიშვილთან. ქალაქ გარედ ხელის მოწერა მიიღება: ქუთაისში—ის. კვიციანიძესთან, ხონში—გიგლა მებუკესთან; გორში—სევ. შველიძესთან; ქიათურაში—სოფრომ ტარუაშვილთან.

ხელის მოწერის ფასი ნაწილ-ნაწილადაც შეიძლება მხოლოდ წლიურ ხელის მომწერთათვის, რომელთაც პირველად 3 მან., პირველ მარტისთვის 2 მან., 1 მაისისთვის 2 მან. და 1 ივლისისთვის 1 მ. 50 კაპ.

გაზეთის გამოწერა შეიძლება მხოლოდ თვის პირველ რიცხვიდან არა ნაკლებ ერთი თვისა და არა უმეტეს წლის გასულისა.

„დროების“ კანტორაში ხელის მოწერა მიიღება ყრველ დღე, კვირა უქმეების გარდა, დილის 9 საათიდან 3 საათამდე და ნაშუადღევს 5 საათიდან 7 საათამდე. თვის ბოლოს კანტორა კვირა-უქმე დღეებშიაც იქნება ღია.

ქალაქ გარედ ხელის მომწერთ ფული უნდა გამოგზავნან ამ აღრესით: Тифлисъ, газ. „Дროება“.



# მიიღება ხელის მოწერა 1910 წლისთვის

უოველ-დღიური საზოლიტიკო და სალიტერატურო გაზეთი

## == „მომაველი“ ==

1910 წელსაც გამოვა იმავე პროგრამით, როგორც წელს გამოდის. გაზეთი წლიურათ ეღირება თბილისში და თბილის გარეთ 7 მან., ნახევარი წლით 4 მან., საზღვარგარეთ 14 მან. წლით, ნახევარი წლით 7 მან., ხელის მოწერა მიიღება თბილისში „მომაველი“-ს კანტორაში, ბათუმში, სამტრედიისში და ქიათურაში რკინის გზის უკუფებში, ქუთაისში ის. კვიცარიძესთან, ჩოხატაურში ს. თავართქილაძესთან—წიგნის მაღაზიაში, ოზურგეთში—მ. თალაქვაძესთან, ხიდისთავში ნ. კობიძესთან, ფოთში—პ. ურუშაძესთან.

ფულის გამოსავლენი ადრესი: Тифлисъ, тип. „Шрома“, Калистрату Кон. Цуладзе.

# გამოვა 1910 წელს საემაწვილო სურათებიანი ჟურნალი

## == „ნაკადული“ ==

წელიწადი მეექვსე, ხელის მოწერა მიიღება თბილისში

„ნაკადულის“ რედაქციაში (გოლოვინის პროსპექტი, 8) და წერა-კითხვის გამავრცელებელ საზოგადოების მაღაზიაში (თავად-ახნაურობის ქარვასლა).

1910 წელს 1-ლ იანვრიდან 1911 წლის 1-ლ იანვრამდე მიეცემა ხელის მომწერლებს: 24 წიგნი მკირე წლოვანთათვის, 12 წიგნი მოზრდილთათვის.

გარდა ამისა მიეცემა პრემიით საბავშვო უნივერსიტეტი (სამეცნიერო პოპულიარული ბიბლიოთეკა ბავშვებისათვის): 1) დედაშიწა და კულიანი ვარსკვლავი—ზღაპარი ევალდისა, 2) მარჯნები—ზღაპარი ევალდისა, 3) თორმეტი და—ზღაპარი ევალდისა, 4) ქართული მხატვრული ასოები კუბიკებზე.

ფასი ჟურნალისა: წლიურად—ხუთი მანეთი, ნახევარი წლით ორივე გამოცემა—სამი მანეთი საზღვარ გარედ წლიურად—შვიდი მანეთი, ნახევარი წლით—ოთხი მანეთი. მკირე წლოვანთათვის 24 წიგნი—3 მანეთი, მოზრდილთათვის 12 წიგნი—3 მანეთი.

რედაქტორი: მარიამ ივანეს ასული დემურისი.

გამომცემელი: თ. პავლე იოსებას ძე თუმანიშვილი.

1910 წლის 1 იანვრიდან

მიიღება ხელის მოწერა უოველ-კვირეულ საზოლიტიკო და სალიტერატურო გაზეთ

## == „ვონჯე“ ==

წლიურათ გაზეთი ეღირება — 3 მან. 50 კაპ.  
ნახევარი წლით — — — — 2 მან. — კაპ.  
სამი თვით — — — — 1 მან. 20 კაპ.

ვინც 20 დეკემბრამდე მომავალი წლისთვის გამოიწერს გაზეთს, ყველა დეკემბრის №-ს უფასოთ დაეთმობა.

ადრესი: Кутаисъ, редакція „ВОНЖЕ“, Балаханская улица, домъ № 37.

ხელის მოწერა შეიძლება აგრეთვე ისიდორე